

سيناريو فيلم  
"ابن جدو"

تأليف

وفاء الطيب

01121184566

## سيناريو فيلم (ابن جده)

ل/خ

قبل خمسة وعشرين عاما

م/1

### حلوان - فيلا زهدي - الحديقة

- فيلا فاخرة من الخارج لافتة علي بوابة الفيلا (فيلا زهدي)

- تدخل الكاميرا إلي الحديقة

- بعض العمال يضعون الطاولات، وحولها الكراسي (استعداد للحفلة)

### قطع

ل/د

م/2

### داخل فيلا زهدي - الهول

- فيلا فاخرة من الداخل

- سلم داخلي مفروش بالسجاد الفاخر ليوصل

للطابق العلوي

- ناهد سيدة في الثلاثين من عمرها طيبة

الملامح ترتدي ملابس سهرة محتشمة

- تتادي

ناهد : فؤاد ...يا فؤاد

- يأتي من الداخل فؤاد رجل في الأربعين من

عمره طيب

فؤاد : تحت أمرك يا ناهد هانم

ناهد : البيه فين؟

فؤاد : فى أوضة المكتب

- بقلق

ناهد : خليك ورا العمال اللي في الجنية

فؤاد : كله تمام يا هانم.. حضرتك ماتقلقيش

ناهد : مش عايزه أي غلظه يا فؤاد

فؤاد : ان شاء الله الحفلة تتم علي خير والف

مبروك للبيه

- تصعد ناهد علي السلم للطابق العلوي

ناهد : الله بيارك فيك ... قول للبيه يستعد

فؤاد : حاضر يا هانم

### قطع

## فيلا زهدي - غرفة سيف

- غرفة أطفال مليئة بالألعاب
- سيف طفل في الرابعة من عمره تجلس الي جانبه نعيمة شابة في الخامسة والعشرين من عمرها علي قدر من الجمال والرشاقة، طيبة الملامح ويبدو عليها التعب
- بابتسامة
- يفتح باب الغرفة تدخل ناهد.
- سيف : العبي معايا يا دادة
- نعيمة : حااضر يا حبيب دادة
- ناهد : إيه الأخبار؟
- سيف : بنلعب يا مامي
- نعيمة : مبروك شركه زهدي بيه الجديده يا هانم
- ناهد : الله يبارك فيكي يا نعيمه
- نعيمة : تأمريني بحاجة يا هانم؟
- ناهد : أهم حاجة تخلي بالك وعينك علي سيف ومايخرجش من أوضته غير لما الحفلة تخلص وكل الضيوف يمشوا.
- نعيمة : حاضر يا هانم
- ناهد : مالك يا نعيمة الأيام دي شكلك مش طبيعي.. في إيه ؟
- نعيمة : سلامة حضرتك يا هانم.
- ناهد : لما تخلص الحفلة والضيوف يمشوا لينا كلام مع بعض.. إنتي غالية عندي يا نعيمة ربنا يعلم.
- نعيمة : ربنا يخليكي يا هانم .. أنا ماليش غيرك
- يدق باب الغرفة (صوت دق الباب)
- يفتح الباب ويظهر فؤاد بالباب
- ناهد : ادخل
- فؤاد : الضيوف وصلوا يا هانم
- ناهد : أنا نازلة حالا.
- قطع

## فيلا زهدي - الحديقة الحفلة

- (موسيقي هادئة- بوفيه مفتوح)
- زهدي رجل في منتصف الثلاثين يتميز بالوسامة.. يستقبل الضيوف
- ناهد تقف جانب زهدي لاستقبال المدعوين بينهم سليم بيه رجل في الاربعين طيب الملامح.
- والي جانبه حرمه فاتن في منتصف الثلاثينات

- زهدي : أهلا وسهلا سليم بيه  
 سليم : ربنا يجعل الشركة الجديدة وش الخير علينا يا زهدي بيه.  
 ناهد : لازم نعمل حفلة علشان نشوفك يا فاتن هانم ؟  
 فاتن : أنا تحت امرك يا ناهد هانم ربنا يوفق  
 ناهد : ربنا يجعلها وش الخير إن شاء الله

- بابتسامه
- بمودة
- جميع الضيوف علي الطاولات
- ناهد تمر بين الطاولات ترحب بالضيوف من وقت لآخر..
- فاتن تهمس في أذن ناهد التي تبتسم وتشير لها إلي الداخل
- تتجه ناهد الي الداخل ومعها فاتن
- تتجه ناهد للحديقة ترحب
- ناهد تلاحظ زهدي يتجه نحو الداخل
- تتحرك ناهد وتتحرك معها الكاميرا تراقب و ترصد
- زهدي يقف مع فاتن
- ملامح فاتن تدل علي الغضب
- بانفعال

- فاتن : عيب اللي بتعمله يا زهدي بيه.. مراتك ست محترمة وجميلة مفيهاش عيب... وأنا زوجة لشريكك وصديقك وأرفض أي تصرف من تصرفاتك دي.. عيب مفهوم

- تبتعد ناهد وملامحها تدل علي الحزن الشديد
- تحاول ناهد تصنع الابتسامه وترحب بالضيوف

## قطع

5/م

ل/د

### فيلا زهدي - الهول

- تدخل ناهد الفيلا ومعها زهدي
- ملامح ناهد تدل علي الحزن والغضب
- زهدي يلاحظ ملامح ناهد
- باستفهام.
- بغضب واستياء
- زهدي : مالك يا ناهد؟..الحفلة معجبتكيش؟
- ناهد : المهم تكون عجبتك أنت يا زهدي.
- زهدي : هقعد في المكتب شوية..عايزه حاجة؟
- ناهد : لا مش عايزه منك حاجة خالص يا زهدي
- بغضب
- يقبل فؤاد من الداخل
- فؤاد : الحمدلله يا هانم الحفلة كانت زي ما حضرتك أمرتي
- ناهد : الحمدلله علي كل شئ.. تصبح علي خير يا فؤاد
- ناهد تصعد السلم
- فؤاد : وحضرتك من أهل الخير يا هانم.
- قطع

6/م

ل/د

### فيلا زهدي - غرفة سيف

- سيف يغرق في النعاس
- تجلس نعيمة جانب سيف بحنان وحب تربت عليه
- ملامح نعيمة تدل علي التعب والحزن
- يفتح باب الغرفة وتدخل ناهد
- تقف نعيمة باحترام
- ناهد تقبل سيف وتتفحص نعيمة
- باستسلام
- ناهد : سيف نام خلاص؟
- نعيمة : من بدري يا هانم..اتعشي ونام.
- ناهد : تعالي معايا... عايزاكي
- نعيمة : حاضر يا هانم
- قطع

7/م

ل/د

### فيلا زهدي - غرفة نوم ناهد وزهدي

- غرفة نوم فاخرة
- يفتح باب الغرفة من الخارج
- تدخل ناهد و ورائها نعيمة
- بقلق
- تقاطعها
- ناهد : اقفلي الباب وراكي يا نعيمة وتعالني بقي نتكلم مع بعض شويه
- نعيمة : أحسن زهدي بيه.....
- ناهد : البيه مش فاضي.. اطمني.. احكي لي.. مالك الأيام دي؟

- محذرة : **ناهد** : أوعي تخبي عليا حاجة..إنتي عارفة إنك  
غالية عندي جدا
- نعيمة تحني رأسها بخجل : **نعيمة** : استري عليا يا هانم.. والله غصب عني  
اللي حصل
- تقلق وتقاطعها : **ناهد** : إنتي حامل؟
- نعيمة بخجل وانحناء تهز رأسها بنعم : **نعيمة** : والله العظيم غصب عني يا هانم.
- : **ناهد** : مين اللي عمل فيكي كده يا نعيمة..  
قوليلي مين وأنا أجيب لك حقاك
- تقاطعها : **نعيمة** : البيه..زهدي بيه..والله العظيم..
- : **ناهد** : خلاص متكلميش.. عارفة إنه غصب  
عنك وعارفة إنك غلبانة.. زي ما انا عارفة  
البيه  
كويس...  
روحي أوضتك وأنا هتصرف.

### قطع

ل/د

8/م

### فيلا زهدي - غرفة المكتب

- غرفة مكتب فاخرة
- يجلس زهدي امام المكتب يمسك سماعة  
الهاتف الأرضي يتحدث ويهمس وملامحه تدل  
علي الرومانسية.
- يفتح باب غرفة المكتب من الخارج وتدخل  
ناهد وملامحها تدل علي الغضب والانفعال
- باستفهام
- بنبرة أمره
- في الهاتف
- يضع السماعة
- يقف - بقلق
- بانفعال ودموع
- زهدي ينظر لناهد بخجل
- : **زهدي** : عايزه حاجة يا ناهد؟
- : **ناهد** : اقل التليفون اللي معاك الأول واسمعي  
كويس.
- : **زهدي** : هكلمك بعد شويه..مع السلامة
- : **زهدي** : خير يا ناهد..حصل إيه؟
- : **ناهد** : طلقني يا زهدي..من فضلك طلقني
- : **زهدي** : ليه يا ناهد..حصل إيه؟
- : **ناهد** : تعبت يا زهدي من عمالك وفضايحك  
صعب أعيش معاك تاني.. شكلك كان  
وحش أوي وانت بتتبهدل من مرات  
صاحبك..ونعيمة الغلبانة أعمل خير مرة  
في حياتك واتجوز نعيمة بس هطلقني  
الأول.

### قطع

9/م

باكر/خ

### أمام بوابة فيلا زهدي

- تخرج ناهد من بوابة الفيلا تحمل حقيبته  
لابسها وتمسك سيف بيدها وملامحها  
حزينه
- يخرج زهدي ورائها مسرعا
- بتوسل

- زهدي : ارجعي يا ناهد علشان خاطر سيف  
ناهد : سيف معايا هيتربي في مكان أنضف  
زهدي : أوعدك يا ناهد مش هعمل اي تصرف  
يزعلك تاني...آخر مرة  
ناهد : اللي فيه طبع مش هيغيره يا زهدي.. وأنا  
تعبت منك ومحتاجة أرتاح.  
ناهد : شبرا لو سمحت

- ناهد تشير لسيارة أجره تتوقف أمام بوابه  
الفيلا
- تدخل ناهد ومعها سيف للسيارة التي  
تتطلق مسرعه

### قطع

باكر/خ

10/م

### شبرا- أمام منزل الحاج حسين

- منزل مكون من دورين
- تتوقف سياره الأجره أمام باب المنزل
- تنزل ناهد ومعها سيف من سيارة الاجره وتتجه نحو بوابة المنزل
- كلوز لشباك في الطابق الثاني

### قطع

ن/د

11/م

### شبرا- شقة الحاج حسين (الصالة)

- شقة متوسطة من شقق في شبرا
- الانتريه والسفره في الصالة علي الحائط  
صورة لسيدة في الخمسين والي جانبها  
صورة أخرى لشاب في العشرين والي  
جانب كل صورة شريط أسود.
- ناهد والي جانبها ابنها سيف تجلس  
وأمامها حقيبته الملابس
- يجلس أمامها الحاج حسين وهو رجل في  
منتصف الخمسينات،طيب الملامح

- مواسيا : **الحاج حسين** : وبعدين معاكي يا ناهد كفايه بُكي يا بنتي  
وعلشان ابنك اللي قلقان عليكي
- ينظر للصور المعلقة علي الحائط : **ناهد** : وعلشان ابني مشيت يا بابا... مش عايزاه  
يشوف حاجه غلط.
- : **الحاج حسين** : ربنا عالم بحالي إني محتاج لكم بدل  
الوحدة من بعد المرحومه أمك وحصلها  
المرحوم هشام أخوكي وأنا عايش في  
وحدة والحياة بقت صعبه.
- : **ناهد** : الله يرحمهم.. البركة فيك يا بابا
- : **سيف** : أنا جعان يا مامي
- : **الحاج حسين** : تعالى يا هشام قرب مني
- : **سيف** : أنا اسمي سيف يا جدو
- : **الحاج حسين** : من هنا ورايح أنت هشام وبلاش مامي  
قول ماما... أنت راجل ومفيش راجل في  
شبرا بيقول مامي.
- : **سيف** : حاضر يا جدو
- : **الحاج حسين** : هاخذك معايا في كل حنة هروح فيها
- : **سيف** : بجد يا جدو هتاخدني معاك مكتبتك
- : **الحاج حسين** : طبعاً وهعلمك كل حاجة أعرفها  
(صوت دق الباب)
- يدق باب الشقة.
- يقوم سيف ويفتح الباب وتظهر سعاد وهي  
شابة
- في الخامسة والعشرين من عمرها أنيقه  
المظهر
- تتفاجأ سعاد بوجود ناهد
- تقوم ناهد وتقبل سعاد
- تنتظر سعاد لسيف
- يقاطعها
- : **سعاد** : مش تقول إن ناهد هنا يا عم حسين؟
- : **ناهد** : وحشتيني يا سعاد ووحشتني أيامنا الحلوة
- : **الحاج حسين** : لسه واصلة حالا يا بنتي
- : **سعاد** : ما شاء الله سيف كبر...
- : **الحاج حسين** : من انهارده اسمه هشام علي اسم المرحوم  
خاله
- : **ناهد وسعاد** : الله يرحمه
- : **سعاد** : عندك حق يا عم حسين هو يشبه المرحوم  
هشام
- : **الحاج حسين** : كنتي عايزه حاجه يا سعاد؟

سعاد : كنت بسألك أعمل حسابك في الفطار ولا فطرت خلاص

الحاج حسين : أنا اللي هنزل اجيب الفطار النهارده  
علشان نفطر كلنا وناهد وهشام يفطروا  
معانا

سيف : أنا اللي هشتري الفطار يا جدو

سعاد : يا حبيبي رينا يحرصك

الحاج حسين : عايزه تقطري إيه يا سعاد؟

سعاد تمسك جنيه ورق وتعطيه لسيف -  
سعاد : امسك يا هشام الجنيه دا.. عايزه بربع جنيه  
عيش وبربع جنيه طعميه وبنص جنيه  
فول وهات حزمة بقدونس ولما ترجع  
أحاسبك.

سيف : حاضر يا .....؟

ناهد : اسمها أبله سعاد

سيف : حاضر يا أبله سعاد كل يوم هجيبك  
الفطار

- بحيرة

- بابتسامه

## قطع

ن/د

م/12

بعد مرور خمسة وعشرين عام  
شبرا - شقه الحاج حسين (الصاله)

سيف : خليكي يا ماما أنا هفتح الباب ديبي أكيد  
أبله سعاد عايزه الفطار

- بيرن جرس باب الشقة تأتي ناهد من  
الداخل وقد اصبحت في منتصف  
الخمسينات ويأتي وراءها سيف وقد أصبح  
شابا في أواخر العشرينات

- يفتح سيف الباب وتظهر سعاد وقد  
أصبحت في الخمسين من عمرها وتحافظ  
علي أناقته وتمسك في يديها عشرة  
جنيهات

سعاد : صباح الخير يا هشام

- بابتسامه

سيف : صباح النور يا أبله سعاد .مش أنا قولت  
أبله سعاد

- يأتي الحاج حسين من الداخل وقد أصبح  
في الثمانين

سعاد : عايزه الفطار يا هشام

- ناهد : صباح الخير يا سعاد أقعدي
- سعاد : إزيك يا عم حسين؟
- الحاج حسين : الحمد لله يا بنتي
- سعاد : امسك العشره جنيه دي يا هشام هات....
- سيف : عارف يا ابله سعاد...بخمسة جنيه عيش
- سعاد : وباتنين جنيه طعميه وتلاته جنيه فول
- سعاد : وماتنساش.....
- سيف : حزمه بقدونس ولما أرجع تحاسبيني....
- سيف : خمسة وعشرين سنه بجيب نفس الطلبات
- سيف : كل يوم بس الفرق بدل الجنيه بقي عشرة
- سيف : جنيه ومش عارف حزمة البقدونس بتعملي
- سيف : بيها ايه؟
- سعاد : ربنا يخليك يا هشام.. ماهو البقدونس هو
- سعاد : اللي مخلينى شباب كده
- سيف : طيب ليه مش بتتجوزي يا أبله سعاد؟
- ناهد : كل عريس تطلع فيه عيب
- الحاج حسين : لسه صاحب النصيب مجاش
- سعاد : يا اختي قعدت الحزانه ولا جوازه الندامه
- ناهد : معاكي حق يا سعاد
- سيف : نفسي أشوفك عروسة يا أبله سعاد
- سعاد : أنت ترضي إن أبله سعاد تتجوز واحد
- سيف : متجوز وتبني بيتها وتخرّب بيت تاني
- سيف : انا قصدى زمان ليه.....
- سعاد : أمى كانت تعبانه وماينعش أسيبها لوحدها
- سعاد : ومحدش رضى يتجوزنى و معايا أمى
- الحاج حسين : ربنا هيكرمك زى ما اكرمتيها
- سيف : أنا بحبك أوي يا أبله سعاد
- سعاد : وأنا بموت فيك..ابني اللي مخلفتهوش
- الحاج حسين : يلا يا هشام الفطار هنتأخر علي المكتبه
- سيف : حاضر يا جدي وربنا يرزقك براجل محترم
- سيف : يا أبله سعاد.
- سعاد : آخر الرجالة المحترمين كان نور الشريف
- سعاد : ومات.
- الحاج حسين : الله يسامحك..كثر خيرك يا بنتي.. يلا
- سعاد : بقي الفطار.

- سعاد : مش قصدي والله يا عم حسين .. حقك عليا
- ص. محسن : هشاشاشاشام ... يا هشاشاشام
- ناهد : محسن بينده عليك يا هشام
- سيف : ناازل
- الحاج حسين : ماتتأخرش هات الفطار بسرعة
- سيف : حاضر يا جدو أنا أقدر أتأخر عليك
- قطع
- يأتي من الخارج صوت محسن ينادى
- بصوت عالي
- يتجه نحو الباب
- يخرج سيف من باب الشقة

13/م

ص/خ

### شبرا أمام منزل الحاج حسين

- محسن شاب فى أواخر العشرينات طيب الملامح .. خفيف الظل
- يتوقف أمام منزل الحاج حسين
- سيدة مسنة تجلس على كرسى أمام باب المنزل المقابل لمنزل الحاج حسين تصرخ وتسب المارة بألفاظ خارجة
- علامات الاستياء على ملامح محسن
- يخرج هشام من المنزل
- السيدة : ناس ولاد .... تيت
- المسنة
- محسن : ياا هشاشاشام انزل ياأخى
- سيف : خلاص نزلت يا محسن سمعت الجيران كلها ... صبح صبح يا عم
- محسن : جارتكم دية أبج أبج .. الواحد بيجي شارعكم بيتبهدل مفيش حد بيعدى إلا لما بياخذ شتمة فى قفاه
- سيف : ست كبيرة ... كبير دماغك
- المسنة : أنت يابن الكلب أنت وهو بتبص على أية ياولاد تيبيبيبيت
- محسن : نتقابل فى أى حته غير هنا .. فاهم اللى يجى الشارع ده يستاهل اللى يجراه
- سيف : استتاني أجيب الفطار وأجى على طول
- محسن : أستنى مين يامعلم دى السنين عندها ضايعة وأنا كمحسن لو السنين ضاعت من اسمى تبقى فضيحة
- سيف : تعالى معايا ... فين عمر؟
- محسن : عمر عايز منك خدمة ومكسوف
- سيف : ومن إمتى فى كسوف بنا ... هيكون عايز اية؟
- تستمر المسنة فى السباب
- محسن ينظر الى المسنة
- بابتسامه
- بدهشة

- بدهشة وتعجب  
**محسن** : عمر عاوز يستلف جدك  
**سيف** : نعم؟! أنا أعرف الواحد بيستلف فلوس .. هدم  
 .. لكن جدى؟ إزاي يعنى؟  
 - تستمر السيدة المسنة فى السباب والصراخ  
**المسنة** : ياولاد التيببيبييت ....  
**محسن** : يلا بينا ياعم .... أشرحلك فى السكة  
**قطع**

ن/خ

م/14

شبرا أمام مكتبة الحاج حسين

- يجلس الحاج حسين أمام المكتبة وأمامه  
 طاولة عليها أربع أكواب شاي ويجلس  
 معه سيف وأمامه يجلس عمر و محسن
- الحاج حسين** : خير يا ولاد عاملين الاجتماع ده  
 عشان إيه ؟  
**سيف** : علشانك يا جدى .. عمر عايز منك  
 خدمة .  
**الحاج حسين** : تحت أمرك يا حبيبي .. خير ؟  
**عمر** : ربنا يخليك لينا يا جدى .. حضرتك  
 مش جد هشام وبس حضرتك جدنا  
 كلنا  
**محسن** : حقيقى حضرتك جدنا كلنا  
**الحاج حسين** : يابنى انتو متربيين فى حنة واحدة  
 وكلكم أخوات .  
**سيف** : بلاش كسوف يا عمر وادخل فى  
 الموضوع على طول .  
**عمر** : انا عايز حضرتك تيجى معايا الصعيد  
 تخطبلى سحر الإنسانه اللى بحبها  
 وعايز أتجوزها  
**الحاج حسين** : الصعيد مرة واحدة ؟  
**عمر** : حضرتك عارف بابا الله يرحمه وماما الله  
 يرحمها وسحر قالتلى لازم تكون معاك  
 عينتك علشان عمها يوافق بالجواز أحسن  
 عايز يجوزها ابنه علشان الورث بتاعها

- محسن : حضرتك هتكون جده و هشام هيكون صاحبه وانا هاكون والدته
- الحاج حسين : و بنت الصعيد دى حبيتها عن طريق الفيس بوك ؟
- عمر : لا يا جدى كانت زميلتى فى الجامعة وكانت هنا فى المدينه الجامعية وأبوها وأمها متوفيين وهى عايشة مع عمها لما خلصت الجامعة رجعت الصعيد من تانى .
- سيف : عشان خاطرى وافق يا جدى أحسن يجوزها ابن عمها بالعافية .
- محسن : أحسن يعمل فى روحه حاجة .. مجنون ويعملها .
- عمر : هكون مديونلك بسعادتى يا جدى
- الحاج حسين : خلاص شوفوا هنسافر إمتى ؟ .. بس هنسافر فى الصعيد ؟ الصعيد كبير قوى
- عمر : نجع الغنام فى محافظة قنا
- الحاج حسين : على بركة الله
- محسن : يعيش جدنا الحاج حسين
- ن/د/خ
- يهتف
- 15/م

طريق الصعيد - سيارة عمر

- سيارة عمر على الطريق (سيارة صغيرة)
- عمر يجلس فى مقعد القيادة والى جانبه الحاج حسين ويجلس سيف والى جانبه محسن فى المقعد الخلفى
- السيارة تنطلق فى الطريق مسرعة

قطع

## استراحة على طريق الصعيد

- استراحة على الطريق
  - يجلس الحاج حسين و الى جانبه سيف وعمر وامامهم طاولة عليها بعض السندوتشات و مقعد خالى .
  - يقبل محسن يرتدى ملابس حريمى يتلفت حوله بخجل
  - ينظرون لمحسن و يضحكون .
- محسن** : بتضحكوا عليا ماشوفتوش اللي حصل لى؟
- الحاج حسين** : حصل لك إيه أكثر من كده ؟
- عمر** : فى حد عاكسك ولا إيه يا حلوة أنتى ؟
- سيف** : بس الهدوم الحريمى لايقة عليك الحمد لله إنك مش واحدة ست
- محسن** : اتريقوا عليا ماشى .. كله يهون علشان خاطر ك يا عمر .
- عمر** : ربنا يخليكوا ليا
- الحاج حسين** : حصل لك إيه بس يا محسن ؟
- محسن** : بلاش محسن دلوقتى .. شكلى كان وحش قوى وانا داخل حمامات الرجال راجل و خارج منها واحدة ست .
- سيف** : صحيح واحدة ست خارجة من حمام الرجال وحشة أوى
- عمر** : أسمر يا اسمرانى
- سيف** : إيه حكايتك مع السمر
- عمر** : سحر غزال أسمرانى .. أديك هتشوفها وتعرف ذوق أخوك .. منه لله عمها سحر بتحكيلى عن عمها إنه دايم فى إيده سلاح و الشر بينط من عينيه
- الحاج حسين** : ربنا يستر و السلاح ميطولش نتوكل على الله

قطع

## قنا - نجع الغنام - بيت سحر

- بيت ريفى متوسط
- تجلس سحر وهى شابة فى منتصف العشرينات من عمرها .. على قدر من الجمال و الرشاقة تتميز بسمرة خفيفة
- تأتى من الداخل سعدية فى الخمسين من عمرها تزين وجهها بالوشم
- تتحدثان بلهجة صعيدية .

سحر : خالتى سعدية .. عايزه اتكلم معاكى بصراحة يا مرات عمى .

سعدية : اتكلمى يا بنتى .. عايزة تقولى ايه يا سحر ؟

سحر : أنا مش عايزة المصاغ بتاع المرحومة أمى ولا الطين الللى فاتهولى المرحوم أبويا بس مش عايزة أتجوز تامر ابنك

سعدية : كلام ايه ده يا بنتى ؟ ابن عمك .. تقولى عليه لاء ؟

سحر : ايوه لاء .. ماعايزاش الجوازة دى .

سعدية : و ماقولتيش الكلام ده لعمك ليه ؟

سحر : بخاف من عمى طول الوقت ماسك البندجيه وصوته عالى .

سعدية : عمك قلبه طيب و بيخاف عليكى لكن فى بلدنا دى الللى من غير سلاح كأنه أحمر عريان و الجواز مش بالغصب يا بنتى .

سحر : صحيح يا مرات عمى؟  
قطع

- بفرحة

## قنا - نجع الغنام

- لافتة فوق مقهى صغير ( كافيتيريا نجع الغنام)
- يجلس بعض الناس على المقهى .
- يقترب عمر بسيارته و يتوقف أمام المقهى .
- ينزل عمر ويقترب من أحد الجالسين.

- عمر : السلام عليكم
- الرجل : عليكم السلام اتفضلوا
- عمر : لو سمحت فين بيت عبدالحفيظ؟
- الرجل : عبدالحفيظ مين الجزار ولا الفكهانى؟
- سيف : هى ما قالتلكشى الاسم بالكامل؟
- عمر : قالت السلاح دايم فى إيده
- محسن : يبقى عبدالحفيظ الجزار
- الرجل : ادخل شمال فى شمال تلاقيه فى وشك وبيت الفكهانى لازق فيه .
- عمر : كتر خيرك يا ريس
- قطع

- بهمس

## قنا - نجع الغنام - أمام منزل عبد الحفيظ الجزار

- تقبل سيارة عمر وتتوقف أمام منزل ريفى
- يخرج عمر من السيارة ويسأل أحد المارة
- يشير بيده
- الرجل يدق على الباب
- يفتح الباب ويظهر عبد الحفيظ بالباب وهو رجل فى الستين من عمره .. أسمر اللون .. ضخم الجسم يتميز بلامح غليظة
- بابتسامه
- عمر : بيت الحاج عبدالحفيظ الجزار فين لو سمحت؟
- الرجل : هدجلك على الباب
- عمر : شكرا ياريس
- الجزار : أية؟ بدج على الباب كده ليه؟
- الرجل : ناس عايزينك يا عبدالحفيظ باين عليهم زياين جامدين قوى وعندهم دبائح كتير جاين من بعيد بالعربية دية
- الجزار : أهلا وسهلا يامرحب بالضيوف اتفضلوا
- قطع

قنا - نجع الغنام - بيت الجزائر - قاعة الضيوف

- قاعة الضيوف فى بيت ريفى

- الكنب البلدى .

- يجلس الحاج حسين و الى جانبه سيف و

عمر و محسن

الجزار : يا أهلاً وسهلاً .. يا مرحب

عمر : أهلاً بحضرتك يا عمى .. أنا عمر

عبدالحليم و معايا جدى و هشام  
صاحبى ووالدتى والدى متوفى .

الجزار : الله يرحم والدك كان صوته حلو ..

صوتك حلو أنت كمان ؟

عمر : لاء مش عبدالحليم المطرب .

الجزار : مش المهم .. المهم أنا ممكن أدبح لكم

أى دبايح إلا الجمال ما اعرفش  
أدبحها وكل أهل البلد عندنا محدش  
بياكل لحم الجمل .

الحاج حسين : إحنا مش عايزينك تدبح لنا حاجة

عمر : أنا جاى أطلب أيد بنتكم للجواز

ومعايا عيلتى وعندى شغلى و شقتى  
فى مصر .

الجزار : عريس يعنى .. يا مرحب يا مرحب

- وتعرف العروسة منين ؟

عمر : أنا لا شوفتها ولا أعرفها .. أنا جاى

على السيرة الطيبة .. قلت لجدى عايز  
أتجوز قاللى روح الصعيد .. جيت  
الصعيد قالولى عمك عبدالحفيظ عنده  
العروسة .

الجزار : يا أهلاً وسهلاً

قطع

## قنا - نجع الغنام - بيت سحر

- سحر : يعنى مش زعلانه منى يا مرات عمى  
إنى ما عايزاش أتجوز تامر ولدك ؟
- سعدية : الجواز مش بالغصب يا بنتى
- سحر : وكمان ماعايزاش الطين و المصاغ .
- عم سحر : إيه الكلام ده يا سحر ؟
- سحر : ماعايزاش أتجوز تامر ولدك يا عمى .
- عم سحر : طيب ماعايزاش تامر و فهمناها .. و  
الطين و المصاغ ماعايزاهمش ليه ؟
- سحر : لو كلهم على بعضهم شروة واحدة  
تغور فى داهية ؟
- عم سحر : مفيش حد من البلد اتقدم لك خوفت  
عليكى حد يطمع فيكى
- سحر : فى عريس جاى من مصر عايزنى  
لحالى ما طمعانش فى شئ اسمه  
عمر توافق عليه ؟
- عم سحر : لو راجل زين وإنتى موافقه عليه موافق  
و أرضك و مالك فى الحفظ و الصون  
تاخديهم و جهازك كله عندى .
- سحر : حقك عليا يا عمى كنت فاهماك غلط  
.
- عمر سحر : إنتى من ريحة المرحوم أخوى يا سحر  
غلاوتك من غلاوته يا بنتى
- سعدية : مش قولتلك عمك جلمه طيب  
قطع
- يدخل عبدالحفيظ عم سحر وهو فى أواخر  
الخمسينات
- وملامحه تدل على قوة الشخصية أثناء  
حديث سحر
- بخوف
- تقوم سحر وتقف خلف سعدية
- تمسك سحر بسعدية
- تقترب سحر من عبدالحفيظ بابتسامة
- يقبلها فى جبينها .

قنا - نجع الغنام - بيت عبدالحفيظ الجزار - قاعة الضيوف

- تأتي أصوات الزغاريد من الداخل
- بفرحه
- عمر : الحمد لله أكيد وافق
- سيف : مبروك يا عمر .. بس مش مقتنع .
- محسن : بسهولة كده يوافق ؟
- الحاج حسين : مش مرتاح للراجل ده
- الجزار : قبل ما نقول مبروك لازم العروسة
- تأتي عبدالحفيظ الجزار من الداخل
- تطل طلة على العريس شرع ربنا يا
- ولدى
- ينظر بغضب لعمر
- يضع عمر يديه على عينه
- عمر : أنا ها أغمض عيني خالص علشان
- تعرف إني عايز النسب الطيب و بس
- الجزار : يا قطة ... تعالى .
- سيف : مين قطة أنت مش قلت سحر ؟
- عمر : أكيد اسم الدلع .
- ينادى
- يهمس سيف
- تأتي قطة من الداخل ضخمة جدا و
- سمراء جدا جدا تمسك صينييه الشربات
- يهمس
- سيف : أنت قلت غزال مش فيل جتك داهية
- فى ذوقك المهيب
- عمر : ده احلى حاجة فيها سمارها
- قطع

قنا - نجع الغنام - بيت سحر

- سحر و سعدية تتحدثان
- تأتي أصوات الزغاريد من الخارج
- باستفهام
- سحر : الزغاريد دى من عند مين يا مرات
- عمى ؟
- سعدية : بيقولوا فى عريس جه لقطه بنت
- الجزار ... جاى من مصر و معاه
- جده و وعيلته كلها

- تخبط سحر على قلبها
- سحر : الحقينى يا مرات عمى ده أكيد عمر و غلط فى العنوان .. أعمل إيه يا مرات عمى ؟
- سعدية : لما يشوف العروسة هيهرب لحاله
- سحر : أنا اللي وقعته فى المقلب ده و قولت له مايقولش إنه يعرفنى .
- تمسك سعدية رأسها
- سعدية : يعنى إيه الجزار يخطف عريس بنتنا الزينه لبنته البايرة .
- سحر : أحب على يدك يا مرات عمى دلينى أعمل إيه ؟
- سعدية : أنا هغفلجها و اجيب العريس وعلته معايا و آجى على هنا .
- تخرج سعدية من البيت

### قطع

ن/د

م/24

قنا - نجع الغنام - بيت الجزار

- تجلس قطة الى جانب والدها عبدالحفيظ  
الجزار

- الحاج حسين : يا ابنى افتح عينك ده جواز مش استغماية .
- محسن : أصوت يا عمر ها أصوت .. اسمها قطه وهى شبه قطر السكة الحديد
- سيف : أنت واثق إن دى العروسة ؟ فتح أحسن هسيبك و أمشى .

- يفتح عمر عينيه  
- يتفاجأ بفرع

- عمر : لا مش هى دى العروسة والله مش هى العروسة
- الحاج حسين : إحنا أسفين يظهر إننا جينا غلط
- الجزار : مفيش غلط ولا حاجة لو عايز تاخذها معاك على مصر خدها
- عمر : هى مصر ناقصة زحمة

الجزار : و بعد الجواز للحمه بتاعتكوا كلها من عندى

عمر : علشان كيلو لحمه ادبس نفسى فى جاموسة... لا.. لا الحقنى يا جدى.

### قطع

ن/د

م/25

قنا - نجع الغنام - بيت سحر

- تقف سحر فى قلق تحدث نفسها

سحر : أستر يارب

- يدخل عبدالحفيظ عم سحر

عم سحر : خالتك سعدية راحت فىن يا سحر؟

- بارتباك

سحر : خالتى سعدية راحت .. راحت

عم سحر : راحت فىن ؟

سحر : راحت بيت عبدالحفيظ الجزار .

- بدهشة

عم سحر : تعمل إيه فى بيت الجزار ؟

سحر : ها أقولك يا عمى على كل اللى

حصل.

### قطع

ن/د

م/26

قنا - نجع الغنام - بيت الجزار

الجزار : الغدا جاهز اتفضلوا

الحاج حسين : شكرا مش عايزين نتغدا

الجزار : كلام إيه ده .. أم العروسة عاملة

للحمه أشكال و ألوان

سيف : بطلنا ناكل لحمه علشان جنون البقر .

الجزار : بلاش اللحمه البقرى خليها جاموسى

محسن : الجاموسة شبه البقرة

الجزار : فى لحمه ضانى

سيف : الخروف عقله صغير لكن الجمل

طول عمره عاقل و مخه كبير و

مفيش حد سمع إن فى الجمل اتجنن

- يدق الباب  
- يفتح عبدالحفيظ الجزار و تظهر سعدية  
بالباب
- الجزار : أهلا و سهلا اتفضللى اتفضللى يا أم  
تامر .
- سعدية : ألف مبروك جيت أبارك للعروسة  
عمر : مفيش عروسة .. كل شئ قسمة و  
نصيب

- يدق الباب  
- يفتح عبدالحفيظ الجزار و يظهر عم سحر  
بأرتباك
- الجزار : يا مرحب يا أبو تامر  
سعدية : أبو تامر يادى المصيبة  
عم سحر : ضيوفنا غلطوا فى العنوان و أنا أسف  
جدا على الإزعاج يا حاج عبدالحفيظ  
الجزار : حصل خير يا أبو تامر ضيوفك  
ضيوفنا  
عم سحر : على البيت يا أم تامر  
قطع

ن/د

م/27

قنا - نجع الغنام - بيت سحر  
قاعة الضيوف

- يجلس الحاج حسين و معه عمر وسيف  
و محسن و أمامهم عبدالحفيظ عم سحر
- عمر : مش عارف أقولك إيه يا عمى ؟  
عم سحر : سحر بنت أخويا قالتلى على كل  
حاجة

- تأتى سحر من الداخل بفرحة

- الحاج حسين : الحمدلله جت سليمة  
عم سحر : و علشان نراعى الجزار و بنته الجواز  
من غير فرح  
عمر : الفرحة فى قلبنا أنا و سحر  
سيف : الفرحة هنعمله فى مصر إن شاء الله  
محسن : كلنا هنفرح معاكوا  
قطع

شبرا قاعة أفراح مكشوفة  
فرح عمر

- قاعة أفراح مكشوفة سيف ومحسن يتوقفان فى انتظار وصول العروسان .. القاعة تمتلئ بالضيوف من بينهم ناهد والحاج حسين وسعاد ونورا
- نورا شابة فى أوائل العشرينات على قدر من الجمال
- سيف ونورا يتبادلان النظرات بحب

**سيف** : جبت دبل فضة ليا أنا ونورا هنلبسها على جنب بعد فرح عمر  
**محسن** : ألف مبروك يا صاحبي  
**الشاب** : العرسان وصلوا العرسان وصلوا (أصوات الفرحة .. الزفة .. سيف يغنى)

- يدخل شاب للقاعة
- الجميع يرقص بفرح

قطع

شبرا - أمام باب قاعة الفرحة

صوت الفرحة

- يقف سيف أمام باب القاعة فى انتظار صوت الفرحة ينبعث من القاعة
- تخرج نورا من القاعة وتقترب من سيف
- بفرحة
- بدلع

**سيف** : غمضى عينكى يانورا  
**نورا** : ليه ؟  
**سيف** : بسرعة قبل ما حد يخرجنا

- تغمض نورا عينيها
- سيف يمسك بدبلة فضة ويمسك أصبع نورا
- باستياء

**نورا** : دبلة فضة؟  
**سيف** : بكرا هتبقى ذهب إن شاء الله

قطع

## شبرا - مكتبة الحاج حسين

- المكتبة من الداخل.
- بعض الكتب الخارجية علي الأرفف
- بعض الأدوات المدرسية وعلب الأقلام
- يجلس الحاج حسين علي كرسي في ركن من أركان المكتبة.
- يقف سيف يرتب الأرفف
- يأتي شاب

الشاب : عامل إيه يا عم حسين؟

الحاج حسين : الحمد لله يا ابني

الشاب : عايز دسته أقلام زي دا يا هشام.

سيف : موجود بس في نوع أقلام أحسن منه

الشاب : خلاص هات الأحسن

الحاج حسين ينظر لسيف بفرحه وإعجاب : الحاج حسين

سيف : حاضر يا جدي... حالا

- يخرج سيف مسرعا من المكتبة ثم يدخل

المكتبة بعد ما اخلص

بعد لحظات وفي يده كوب من عصير القصب

الحاج حسين : لا أنا بحب أقعد معاك وأشوفك وأنت بتبيع

والناس كلها بتحبك وبتحلف بأخلاقك

سيف : ربنا يخليك ليا يا جدي يا حبيبي..ما

تربيتك

- مالك يا جدي ... جدي... مالك ؟

- الحاج حسين يغمي عليه

- فاقد للوعي

## قطع

## مستشفى القصر العيني

- مستشفى القصر العيني من الخارج

- كلوز لشباك في الطابق الثاني

## قطع

## مستشفى لقصر العيني - عيادة الباطنة

- الحاج حسين يرقد علي السرير والي جانبه سيف : خير يا دكتور جدي عنده إيه؟
- يقف سيف وأمامهما الطبيب
- الطبيب : غيبوبه سكر...
- سيف : هو طلب مني كوبايه عصير قصب بس
- الطبيب : ملحقش يشربها وأغمي عليه
- الطبيب : الحمدلله جت في الوقت المناسب، يرتاح شويه وتقدر تروحه
- سيف : شكرا يا دكتور
- ص: كريم : يا جماعة أنا مش من هنا أنا من
- اسكندريه ومراتي بتنزف.. أجيب منين
- أكياس دم
- يخرج سيف من العياده

## قطع

## القصر العيني - امام عيادة الباطنة

- كريم شاب في الثلاثين يقف في حيرة
- يخرج سيف من العيادة ويتجه نحو كريم
- سيف : أنا سامعك وممكن أساعدك.
- كريم : أنا غريب من اسكندريه ومراتي بتنزف
- مش عارف أجيب دم منين
- سيف : تعالي أنا ممكن أتبرع بدمي وممكن أجيب
- أصحابي من شبرا جدعان وممكن يتبرعوا بدمهم.
- سيف : بتتكلم جد!
- كريم : أحنا أخوات.. اسكندريه- شبرا كلنا مصريين.. يلا تعالي معايا
- كريم وسيف يتجهان نحو الداخل.
- محسن وعمر يقبلان مسرعان نحو سيف
- سيف يلتفت لهم
- محسن : يا هشالام
- سيف : جيتوا في وقتكم
- عمر : جدك عامل إيه؟
- محسن : طمنى إيه اللي حصل؟
- سيف : جدى كويس أنا عاوزكم في خدمة إنسانية
- محسن وعمر : إحنا في الخدمة
- الممرضة : البقاء لله المدام تعيش أنت
- تقبل الممرضة وتربت على كتف كريم

سيف : شد حلك .. البقاء لله.

- سيف ومحسن وعمر يلتفون حول كريم لمواساته

- يخرج كريم من بينهم ويتجه نحو الداخل بسرعة وعلامات الحزن على ملامحه

### قطع

34/م

ن/خ

شبرا - أمام منزل الحاج حسين

- تتوقف سيارة أجرة أمام باب المنزل ينزل من السيارة سيف ومعه محسن وعمر يحملان الحاج حسين ويدخلان به إلى المنزل

### قطع

34/م

ن/خ

شبرا - شارع عمومي

- نورا تقف في انتظار.. الدبلة الفضة تظهر في أصبعها تمسك نورا في الموبايل وتتصل

### قطع

35/م

ن/د

شبرا - منزل الحاج حسين - الصالة

- الحاج حسين يرقد على كنبه الأثرية

- يجلس حوله سيف ومحسن وعمر

- يرن الهاتف المحمول لسيف

(صوت الهاتف المحمول)

- سيف يتذكر

: يااه أنا ورايا مشوار مهم

- تأتي ناهد من الداخل تحمل صنية عليها

: اتفضلوا الشاي يا ولاد

فناجين الشاي

- بصوت ضعيف

الحاج حسين : معش عطلتكوا

سيف : المهم إنك بخير يا جدى

محسن : ممكن تلحق مشوارك إحنا قاعدين ياهشام

عمر : يلا يا هشام مستنى إية ... منتزل

محسن : خد بالك من نفسك لتأخذلك شتمتين من

الست اللي تحت.

### قطع

36/م

ع/ج

شبرا - الشارع العمومي

- تقف نورا وملامحها تدل على الغضب

- يقبل سيف يجرى

- بعتاب

سيف : أسف والله غصب عنى يا نورا

نورا : أنا لو مهمة عندك مش هتنسى معادى.

- تقاطعه
- سيف : مهمة طبعا يانورا بس اللي حصل ..
- نورا : مليش دعوة باللي حصل .. اللي أعرفه
- سيف : إنك نسيت معادى
- سيف : أنا كنت بجدى فى المستشفى يا نورا
- نورا : ألف سلامة
- سيف : تعالى نقعد فى مكان ونتكلم
- سيف ونورا يتجهان بعيدا

### قطع

م/37

ل/د

### شبرا - منزل الحاج حسين - الصلاة

- الحاج حسين يجلس وإلى جانبه تجلس
- ناهد ومعهم محسن وعمر
- بابتسامه
- الحاج حسين : يلا ياولاد كتر خيركم عطلتكم معايا
- محسن : ألف سلامة عليك يا جدى
- عمر : أول ولد هاخلفه هاسميه حسين على اسم
- أحلى جد فى الدنيا
- الحاج حسين : يلا يا عريس روح لعروستك
- ناهد : خلاص ياولاد أزمة وعدت على خير
- محسن : أنا قاعد هنا لحد ما هشام يجى
- عمر : وأنا كمان
- ناهد : لا يا عمر .. يلا يا عريس على بيتك
- عمر : أنا بتطرد؟
- الحاج حسين : يلا من غير مطرود
- محسن : متقلقش يا عمر أنا موجود .. مستنى هشام.
- عمر : لو فى أى حاجة تليفونى جنبى
- ناهد : ربنا يخليكوا لبعض ياولاد
- قطع

## شبرا - كافييه

- الكافية من الداخل
- سيف ونورا يجلسان على إحدى الطاولات
- ملامحهما تدل على الحزن
- سيف** : يعنى أية مش فاهم قصدك يانورا؟
- نورا** : زى ما قلتك يا هشام ماما قالتلى لازم يكون عندك شقة وبدل الدبلة الفضة شبكة ذهب
- سيف** : يا حبيبتى إنتى عارفة ظروفى دلوقتى أبقى جنبى إن شاء الله أجيبك اللى إنتى عاوزاه
- نورا** : أقف معاك لحد إمتى ياهشام؟ ولا عاوز تتجوزينى فى شقة جدك؟
- سيف** : لا طبعاً بس الظروف تتحسن شوية
- نورا** : طول ما أنت فى مكتبة جدك مش عاوز تشوف شغل تانى ظروفك مش هتتغير وأنا مش أقدر أكمل معاك وفى أكثر من عريس متقدملى مش هقدر أكمل ياهشام
- تخلع نورا الدبلة تضعها أمام سيف
- تقدرتى تقولى مش هكمل معاك؟ بسهولة
- سيف** : كدة حب السنين يضيع؟!
- نورا** : أستناك لحد إمتى؟

## قطع

## شبرا - بيت الحاج حسين - غرفة سيف

- غرفة سيف
- يجلس سيف على السرير و ملامحه تدل على الحزن الشديد
- يجلس الى جانبه الحاج حسين

- مواسيا : **الحاج حسين** : لسه العمر قدامك يا هشام و الحب نصيب
- تدخل ناهد و تنظر لسيف بحزن
- يدق جرس باب الشقة
- تخرج ناهد من غرفة سيف
- يأتي صوت ناهد من الخارج
- محسن و عمر يدخلان
- سيف** : ما كنتش أتخيل إنها تتخلى عنى (صوت جرس الباب)
- ناهد** : أحسن يا هشام .. البنت دى عمرى ما ارتاحت لها ..
- ص: ناهد** أهلا يا ولاد أتفضلوا
- الحاج حسين** : أصحابك جم
- عمر** : إزيك يا جدى
- الحاج حسين** : الحمد لله كويس إنكم جيتوا مش عايز أسيبه لوحده
- محسن** : اتفضل أنت يا جدى ماتقلقش هشام راجل و يستحق أحسن منها .
- ناهد** : مش عايز يخرج من أوضته .
- عمر** : هيخرج دلوقتى غصب عنه
- قطع**

40/م

ن/خ

### حلوان - أمام فيلا زهدي

- الفيلا من الخارج مهملة
- اكوام القمامة أمام البوابة
- تتحرك الكاميرات الي الداخل الحديقة
- مهملة خالية من الاشجار.

قطع

41/م

ن/د

### فيلا زهدي - غرفة نوم زهدي

- غرفه نوم قديمة مهملة
- يرقد زهدي علي السرير وقد أصبح في الستين من عمره ويبدو عليه المرض الشديد

- يجلس أمامه فؤاد وقد أصبح في الخامسة  
والستين من عمره. يمسك فؤاد الدواء  
ويناول زهدي

- بتردد  
فؤاد : عايز أقول لحضرتك حاجة يا زهدي بيه  
بس خايف تفهمني غلط.

- بصعوبه وألم  
زهدي : بعد العمر دا كله ولسه هفهمك غلط  
يا فؤاد؟ عايز تقول إيه؟

فؤاد : أنت في أشد الحاجة إن ابنك سيف بيه  
يقف جنبك دلوقتي بقي راجل عدى  
الثلاثين سنه ولو مكنش الابن يقف جنب  
أبوه في محنته...

- يقاطعه زهدي بحزن  
زهدي : إزاي يا فؤاد هيقف جنبي وأنا اتخليت عنه  
زمان.. أكثر من خمسة وعشرين سنة  
معرفش معرفش عنه ولا عن أمه حاجه.

فؤاد : معلش اديني العنوان ولا رقم التليفون وأنا  
هتصرف

- زهدي يضحك بألم  
زهدي : عنوان إيه يا فؤاد هما هيكونوا لسه في  
مكانهم في حد بيفضل في مكانه خمسة  
وعشرين سنة؟

ولا التليفون بيفضل السنين دي كلها يا  
فؤاد

فؤاد : اديني رقم التليفون وأنا اتصل بالسنترال  
وأعرف اتغير وبقا كام؟

- بدموع  
زهدي : مانا ضيعت العنوان والتليفون زي ما  
ضيعتهم وانشغلت بجمع المال كنت فاكر  
إن المال هو السند.

فؤاد : ياما قولتلك يا زهدي بيه في حاجات أهم  
بكتير

- بحسرة  
زهدي : المال ضاع علي المرض ولسه المرض  
موجود ومفيش مسكن بيقدر يسكن الألم.

فؤاد : اسمحلي يا زهدي بيه أروح ادور علي  
سيف بيه والست ناهد هانم.

- بيكي زهدي : فات الأوان يا فؤاد.. ادعيلي أخف وأقدر  
أقف علي رجلي وأنا أروح معاك نلف شبرا  
كلها مش عشان يقف جنبي لا.. عشان  
أقوله يسامحني وأطلب السماح من أمه  
ناهد لو عايشه لو ماتت أزور قبرها  
وأطلب منها تسامحني.

- بيأس فؤاد : يعني مفيش فايدة.

قطع

ن/د

م/42

### مستشفى - غرفة العناية المركزة

- ترقد نعيمة علي سرير تحت الملاحظة  
وتبدو في الخمسينات  
- تمسك بيدها سمر شابة في العشرينات  
علي قدر من الجمال والرشاقة ترتدي  
ملابس الحداد

- بتوسل وبكاء سمر : أوعي تسبيني يا ماما... أنا ماليش في الدنيا  
غيرك.. هتسبيني لمين؟

- نعيمة تحتضر روجي لأبوكي يا سمر أبوكي زهدي بيه  
- ببكاء سمر : أروح له إزاي بعد اللي عمله فيا وجوزني أنا  
عندي ستاشر سنة بعقد عرفي ولما خلفت  
بنتي أبوها مارضيش يوثق العقد ولا يعالج  
بنتي اللي اتولدت تعبانة واتبهلت علشان  
أعالجها وماتت مني  
أنا شوفت عذاب محدش شافه

- بصوت ضعيف نعيمة : روجي اسأليه عن سيف أخوكي.. سيف  
هو اللي هيقف جنبك وأمّه ناهد هانم طيبه  
هتخطك في عنيتها.

- باستياء سمر : أخويا اللي عمره ماشافني ولاشوفته ولا مرة  
سأل عني

**نعيمه** : سيف ميعرفش إن له أخت.. أمه مشيت بيه  
وهو لسه صغير وأنا كنت حامل قبل ما  
أولدك.

اسمعيني يا سمر روجي لسيف.. سيف  
سيف... سيف... سيف

**المرضه** : البقاء لله

**سمر** : ماما... ماما

**قطع**

ل/د

43/م

**أمام قصر ثقافة روض الفرج**

- قصر ثقافة روض الفرج  
- يقبل سيف في اتجاه قصر الثقافة  
- نورا شابه في بدايه العشرينات تقف في  
انتظار

**نورا** : هشام... يا هشام  
**سيف** : عايزه إيه تاني يا نورا؟.. مش قولتي كل  
شء بينا انتهى؟

**نورا** : مش قادرة أكمل من غيرك يا هشام  
**سيف** : بس أنا خلاااص رسمت حياتي من غيرك  
وتصدقي لقتها أحلي

**نورا** : عشان خاطري يا هشام  
**سيف** : كنت مستعد أهد الدنيا واشتغل ليل ونهار  
وأعملك كل اللي نفسك فيه.. بس إنتي  
قصرتي عليا المشوار

**نورا** : كنت غيبه ...  
**سيف** : حاولي تنسيني زي أنا ما نسيتك.... اقلبي  
الصفحة وافتحي صفحة جديدة لحد غيري  
... سلام

- يتركها سيف ويتجه نحو داخل قصر  
الثقافة

- تقف نورا تنظر بحسرة

**قطع**

## قصر الثقافة - قاعة نادي الأدب

- المنصة خاليه لافتة علي المنصة (رئيس نادي الأدب خالد عبد العزيز).

- قاعة كبيرة تمتلئ بالضيوف جميع الأعمار..رجال ونساء وكثير من الشباب من بين الضيوف يجلس الحاج حسين وإلي جانبه مقعد خالي  
- يدخل سيف ويتفاجأ بالحاج حسين بين الضيوف ويجلس إلي جانبه في المقعد الخالي.

- بابتسامه

سيف : حبيبي يا جدي

الحاج حسين : نفسي أسمعك بتقول حاجة بتفرح

سيف : أنا بقول اللي أنا حاسس بيه يا جدي

الحاج حسين : مش كل واحد بيعيش قصة حب

فانشلة تبقي أشعاره كلها حزينة..  
ياما لسه هتشوف ناس

سيف : مش بعرف أكذب علي نفسي يا

جدي..اللى فى قلبى بقوله

خالد : مساء الخير

- يدخل خالد وهو رجل في منتصف الخمسينات طيب ملامح، يجلس علي المنصة

الكل : مساء النور يا أستاذ خالد

- ينظر الجميع لخالد باحترام

- ينظر خالد للحاج حسين

خالد : أنا سعيد جدا إننا هنبدا ندوتنا بالترحيب

بالشاعر الكبير عمنا كلنا الحاج حسين سعيد

(صوت التصفيق)

- يصفق الكل وينظرون للحاج حسين

- يقف سيف ويصفق بحرارة

الحاج حسين : أنا سعيد اكثر بوجودي وسطكم.. شعراء

وكتاب..كلكم أولادي المبدعين ... شكرا

خالد : عايزين نسمعك يا حاج حسين.. بقالنا

كثير ماسمعناش أشعارك الجميلة

الحاج حسين : مرة تانيه لكن حفيدي هشام هيقول مكانى.  
خالد : اتفضل يا هشام

- يقف سيف

- بحزن

سيف : بلاش تقوليلي أنا أسفه

وتبعتي ليا ميت مرسال

بتجرحي ليه من الأول

جايز كنا زمان أحباب

لكن برضو خلاص كنا

جرحتي كرامتي ومشيتي

حبيبتى مستحيل أرجع

راح أقتل قلبي بأيديا

وأدوس علي الحب ميت مرة

ولوكان قلبي محتاجلك منيش عايزك

- تصفيق حار

### قطع

ل/د

45/م

### فيلا زهدي - الهول

- الصالة خالية ومظلمة

- يرن جرس باب الفيلا

- يأتي فؤاد من الداخل يتجه نحو الباب

ويفتح

- تظهر سمر بالباب

- ترتدي ملابس الحداد

فؤاد : الست سمر..إيه الغيبه الطويله دي

كلها؟

اتفضلي

سمر : بابا موجود يا عم فؤاد؟

فؤاد : طبعا موجود هو بيقدر يتحرك ياست

سمر..فين بنتك؟

سمر : بنتي ماتت وماما كمان ماتت

فؤاد : البقاء لله يا بنتي ...حصل إمتي الكلام

دا؟

ص : زهدي أنا سامع صوت سمر يا فؤاد

فؤاد : هي الست سمر يا زهدي بيه

- يأتي صوت زهدي من الداخل

- تتجه سمر الي الداخل

### قطع

## فيلا زهدي - غرفة نوم زهدي

- بلهفة زهدي : وحشتيني يا سمر
- ببكاء سمر : ماما ماتت يا بابا وبنتي كمان ماتت
- بأسف زهدي : تعالي في حضني يا سمر.. سامحيني  
حقك عليا يا سمر
- سمر : لو عندي مكان ثاني مكنتش هجيبك
- زهدي : أنا ظلمتك وظلمت أخوكي سيف  
وظلمت ناس كثير ورينا بيننقم  
مني..سامحيني يا بنتي
- باستياء سمر : معنديش اختيار ثاني غير إني اعيش  
معاك
- فؤاد : المسامح كريم يا ست سمر
- سمر : ماما وهي بتموت قالتلي أسألك عن  
سيف
- بحزن زهدي : ياريتتي أعرف طريقه علشا يسامحني...  
سامحوني قبل ما اموت  
(صوت جرس الباب)
- يرن جرس باب الفيلا
- خرج فؤاد من الغرفة
- يأتي صوت فؤاد من خارج الغرفة بقلق وخوف
- بقلق زهدي : انتو مين؟
- يدخل الغرفة شاب ملثم و وراءه اتنين  
شباب ملثمين زهدي : في إيه يا فؤاد؟
- شاب 1 : أنا واحد من اللي أنت ظلمتهم لما  
نصبت علي أبويا ومات مشلول من  
الحسرة.
- زهدي : أبوك مين؟
- شاب 1 : حالا نسيت شريك عمرك..بس أنا محترم مش  
هقرب منك وأنت مش طایل لا موت ولا حياة  
أنا عايز حقي من ابنك سيف بيه اللي زمانه  
بيلاعب بالفلوس لعب.. فلوسنا يا زهدي بيه
- تقترب سمر من زهدي بخوف
- ينظر لسمر شاب 1 : مين دول يا بابا؟
- سمر : بنتك دي يا زهدي بيه هتبقى أمانه عندنا  
معززة مكرمة لحد أخوها..الراجل
- سمر : يعني إيه تاخدني؟
- شاب 1 : أقسم لك بالله يا أنسه محدش هيمس  
شعره منك لحد أخوكي ما يبجي

- بصوت ضعيف
- يبكي زهدي
- زهدي : أخوها... هو فين أخوها؟ حرام عليكوا
- شاب 1 : قوله المال مقابل العرض يردلي مالي أرد له عرضه
- يلا ياشباب.. يلا يا أنسه بالذوق من غير
- ماحد يمد إيده عليكوي
- يخرج الشاب ومعه سمر و وراءه الشابين وهو يمضي كقائد فريق

### قطع

ل/د

47/م

### فيلا زهدي - الهول

- فؤاد ملقي علي الارض مكمم ومقيد اليدين خلف ظهره
- الشباب المثلثون يخرجون من الفيلا ومعهم سمر تنظر لفؤاد بحزن فؤاد ينظر لهم بتوسل
- فؤاد يحاول القيام من علي الارض
- يقف بصعوبه ويتجه نحو باب الفيلا
- ينظر فؤاد للشباب وللسيارة السوداء التي تنطلق بهم
- يتجه فؤاد نحو الداخل.

### قطع

ل/د

48/م

### فيلا زهدي - غرفة نوم زهدي

- زهدي يبكي في سريره
- يدخل فؤاد مكمم ومقيد اليدين خلفه
- يقترب فؤاد من زهدي الذي يحاول فك قيد يد فؤاد..
- ينجح زهدي في فك قيد فؤاد
- ينزع فؤاد كمامة فمه
- بحزن وعتاب
- فؤاد : خدوا الست سمر يا زهدي بيه البننت المسكينه اللي ماشافتش يوم عدل - لو سيف بيه كان هنا مكانش حد هيقدر ياخذ الست سمر.
- زهدي : أنا السبب..أنا اللي ظلمت
- فؤاد : مين دول؟



- سيف** : وليه حضرتك ماتجوزتش تاني؟
- خالد** : مينفعش لأنني اتجوزت المرحومه في شقه والدتها ومايصحش اتجوز فيها
- سيف** : اه طبعا مينفعش..بس ممكن تاخذ شقه تانيه وتتجوز
- خالد** : والله يا هشام إمكانياتي متسمحش آخذ شقه وأنت عارف أسعار الشقق
- سيف** : طيب لو في عروسه مناسبه عندها شقه وإنسانه محترمه وطيبه وكمال شكلها كويس أوي.
- خالد** : ياريت..إيدي علي كتفك يا هشام.. والعروسة تبقي مين؟
- سيف** : جارتنا.. أبله سعاد أمي التانيه عندها خمسين سنه بس والله حلوة وطيبه
- خالد** : ودي مطلقة ولا ارملة؟
- سيف** : انسة
- خالد** : خمسين سنة وانسة!!! وبتقول حلوة وطيبه..طيب ليه متجوزتش ليه لحد دلوقتي؟
- سيف** : زمان رفضت تتجوز علشان والدتها مفيش عريس وافق تكون معاها ولما والدتها اتوفت كل اللي بيتقدم بيكون متجوز وهي رافضة تكون زوجة تانيه وتبني سعادتها علي حساب حد تاني.
- خالد** : حقيقي محترمة...هشوفها إمتي؟
- سيف** : لما أرجع البيت أتكلم معاها واحدد ميعاد وأتصل بحضرتك
- خالد** : واضح كده إنني هكون مديون لك بسعادتي

## قطع

## فوتو مونتاچ

- فؤاد في شوارع شبرا يتوقف بعض الناس يسألهم البعض يهز رأسه بلا والبعض يتركه ويمشي
- فؤاد يدخل أحد المحلات ثم يخرج مرة أخرى وعلامات اليأس علي ملامحه
- فؤاد يشرب من كولدير ويغسل وجهه من التعب

## قطع

## شبرا - شقة الحاج حسين

- يجلس الحاج حسين والي جانبه خالد
- ومعهم يجلس سيف
- يخرج سيف من الشقة
- **الحاج حسين** : روح يا هشام قول لوالدتك تيجي هي وسعاد.. اتأخروا كفايه كده
- **سيف** : حاضر يا جدي
- **خالد** : هما فين؟
- **الحاج حسين** : في الشقة اللي قدامنا..شقه سعاد بس هي عروسة بقي وبتلبس وان شاء الله تعجبك.
- **خالد** : أنا مش عارف أشكرك إزاي يا حاج حسين أنت وهشام
- **الحاج حسين** : الطيبون للطيبات يا أستاذ خالد
- **سيف** : تعالي يا أبله سعاد أعرفك بالأستاذ خالد
- **خالد** : أهلا وسهلا يا أنسة سعاد
- **سعاد** : أهلا يا أستاذ خالد
- **خالد** : أنا عايز المأذون دلوقتي
- **سعاد** : ومستعجل على إيه؟
- **سيف** : من دلوقتي هنتوشوشو؟
- **سعاد** : عايز المأذون
- **سيف** : أنا هجيب أمي تزغرط (صوت زغاريط ناهد)
- يفتح الباب ويدخل سيف و وراءه تدخل سعاد وملامحها تدل علي الخجل الشديد
- بإعجاب وابتسامه
- بخجل
- يهمس لسعاد
- بابتسامه
- بدعابه
- يخرج سيف ثم يدخل ومعه ناهد تزغرط

## قطع

## فيلا زهدي - غرفة نوم زهدي

- زهدي يجلس علي سريره ويجلس امامه فؤاد
- فؤاد وملامحه تدل علي الحيرة
- **فؤاد** : وبعدين يا زهدي بيه أكثر من شهرين وأنا بلف شبرا كلها مفيهاش حد يعرف سيف زهدي .. أعمل إيه؟
- **زهدي** : يمكن مشيوا من شبرا.. .

- يتذكر

- أحسن حاجه تسأل عن الحاج حسين  
والد ناهد هو عنده مكتبة في شبرا، وكل  
أصحاب المكتبات بيعرفوا بعض.

فؤاد : اسم المكتبة إيه؟

زهدي : هي مكتبة لبيع الكتب الخارجية والأدوات  
المدرسيه لكن مش فاكتر اسم المكتبة ولا  
عنوانها.

فؤاد : حاضر يا زهدي بيه... ربنا يدلنا عليه

زهدي : معلىش يا فؤاد طول عمرك تعبان معايا

فؤاد : ماتقولش كده يا زهدي بيه..دي عشرة

عمر أكثر من ثلاثين سنة مع بعض

زهدي : يا ريت عندي حاجة أقدر أكافأك بيها

فؤاد : مكافئتي من رب العالمين يا زهدي

بيه..بس ربنا يقدرني وألاقي سيف بيه

ونعرف نرجع الست سمر المسكينه

زهدي : يارب يا فؤاد.. يارب

قطع

- زهدي يرفع يده بالدعاء

ن/خ

م/53

شبرا- مكتبة الحاج حسين

- يقف سيف مع محسن يتحدث معه. سيف : أوعى تنسى بكرة تجيب هاني Dj

محسن : ألف مبروك يا هشام عقبالك

سيف : شكرا روح لجدي في البيت وشوف علقوا

النور ولا لسه؟

محسن : ماتقلش يا هشام الليلة هتبقى زي الفل

- بيتعد محسن

- يقبل فؤاد وملامحه تدل علي التعب فؤاد : لو سمحت يا ابني دي مكتبة الحاج

حسين ؟

- سيف يمسك بكرسي ويضعه أمام فؤاد سيف : أيوه هي..تحت أمرك؟ - اتفضل ارتاح

فؤاد : شكرا يا ابني.. اسم الكريم إيه؟

سيف : هشام

فؤاد : أنا من بدري بلف علي المكتبه بتاعة

الحاج حسين لما اتقطع نفسي

سيف : أنا تحت أمرك بس أرتاح الأول

- فؤاد : وإزاي والدك ؟ عامل إيه؟  
 سيف : والذي الله يرحمه  
 فؤاد : الله يرحمه..الحاج حسين كان راجل طيب  
 سيف : الحاج حسين يبقي جدي وموجود الحمدلله  
 فؤاد : أنا فكرتك هشام ابن الحاج حسين أخو الست ناهد  
 سيف : واضح إنك تعرف العيلة كلها بقي؟  
 فؤاد : دي عشرة عمر أكثر من ثلاثين سنه..  
 الست ناهد هانم عاملة إيه؟ عايشه ولا...  
 سيف : الحمد لله ماما كويسه  
 فؤاد : أنت ابن الست ناهد  
 سيف : أيوة...تحت أمرك  
 فؤاد : عايز أقابل الحاج حسين ضروري جدا  
 سيف : بعد بكرة عشان بكرة عندنا فرح أقوله مين حضرتك؟

- بدهشة

- يقاطعه

## قطع

ل/د

54/م

### فيلا زهدي - غرفه نوم زهدي

- زهدي : يبقي ناهد اتجوزت تاني وخلفت وسمت ابنها علي اسم أخوها هشام  
 فؤاد : المهم إن الحمدلله عرفت مكانهم يا زهدي بيه  
 زهدي : مسألته هشام عن أخوه سيف؟  
 فؤاد : هانت بعد بكرة إن شاء الله أعرف لك من الحاج حسين كل حاجه وربنا يقرب البعيد  
 زهدي : مكنتش أتوقع إن ناهد تتجوز تاني  
 فؤاد : حقها يا زهدي بيه... الست ناهد وقتها كانت شابة وجميلة

- زهدي وفؤاد يتحدثان

- بحسرة

زهدي : عندك حق يا فؤاد.. أنا معرفتش قيمة  
النعمة اللي كنت فيها غير لما ضاعت  
مني.. زي العمر والصحة ما ضاعوا  
وسمر كمان ضاعت مني.

فؤاد : اتعشم في ربنا خير يا زهدي بيه  
قطع

ل/خ

م/55

شبرا - فرح سعاد وخالد

- صوان كبير امام بيت الحاج حسين
- كوشه لخالد وسعاد (أصوات زغاريد)
- الصوان ملئ بالناس الفرح
- الجميع يطلبون من سيف الغناء
- يقف سيف يغني ومعه محسن وعمر يرقصان مع أهل الحى
- نظرات خالد وسعاد تدل علي السعاده

قطع

ل/د

م/56

شبرا - شقة الحاج حسين - الصالة

- فؤاد : الوضع زي ما حكيت لكم بالظبط
- فؤاد : اه من جار علي شبابه جارت عليه شيخوخته
- فؤاد : - معقوله كل دا يحصل لزهدي بيه!!
- فؤاد : المشكلة دلوقتي إزاي هحكي لهشام؟
- فؤاد : أنا واثق يا ناهد هانم إن سيف بيه مش ممكن يتخلي عن أخته وعن والده في المحنه دي
- فؤاد : المتراجعا
- فؤاد : المشكلة إن هشام قصى سيف ميعرفش حتي إن أبوه عايش
- فؤاد : وميعرفش إن له أخت..لما مشيت كانت المرحومه نعيمة لسه حامل ومعرفتش أي حاجة عنها.. كنت محتاجه أنسي الماضي كله من حياتي وحياة ابني.. هقوله إزاي؟

الحاج حسين : هشام راجل وهيقدر يتحمل المسؤولية  
 ناهد : خايفه عليه من الصدمة..اديني فرصة  
 امهد له  
 سيف : مساء الخير  
 فؤاد : أهلا وسهلا يا سيف بيه؟  
 سيف : أهلا وسهلا حضرتك اللي جيت قبل كده  
 تسأل عن جدي..مش كده؟  
 فؤاد : تمام يا سيف بيه..وحشتي..وحشتي  
 أوي  
 سيف : من زمان محدش ندهلي سيف لدرجه  
 إني نسيت إنه اسمي الحقيقي  
 فؤاد : أنا ياما شيلتك وأنت صغير  
 الحاج حسين : أنت شرفتنا و إن شاء الله بكرة هنكون  
 عند زهدي بيه...نورتنا

- يفتح باب الشقة ويدخل سيف

- بتعجب

- ملامح ناهد والحاج حسين تدل علي  
 الحزن والقلق

### قطع

ل/د

م/57

### فيلا زهدي - غرفة نوم زهدي

فؤاد : بقولك سيف بيه هو هشام بقي  
 راجل..شاب زي الفل ربنا يحفظه  
 زهدي : يعنى ناهد ما اتجوزتش غيري؟  
 فؤاد : بقولك هشام هو سيف بس....  
 زهدي : ليه مجبتهوش معاك يا فؤاد؟  
 فؤاد : الست ناهد قالت عايزة فرصة تمهدله  
 علشان ميتصدمش من المفاجأة..بقول  
 لحضرتك فاكر إنك لامؤخذه متوفي  
 وكمان ميعرفش إن له اخت  
 زهدي : عنده حق يفكر إني ميت..ياريتني ميت  
 بجد والناس تفتكرني بخير..بديل ما أنا  
 حي والناس كلها عارفة إني ظالم.  
 فؤاد : العبرة بالخواتيم يا زهدي بيه وأنت  
 رجعت لربنا  
 زهدي : تفتكر ربنا ممكن يسامحني بعد كل اللي  
 عملته؟  
 فؤاد : إن الله غفورٌ رحيم

- زهدي وفؤاد يتحدثان

- بفرحة

- بدموع

- يقاطعه بلهفة

- بدموع

### قطع

## شبرا - شقة الحاج حسين

- سيف بدهشة  
- ناهد تضع رأسها بين يديها و تبكي  
- بانفعال  
- تدمع عين الحاج حسين
- سيف : في إيه يا جدي.... ومين الراجل دا؟  
ناهد : مش قادرة اتكلم...قوله أنت يا بابا  
سيف : في إيه ياماما..كلمني يا جدي الراجل ده له فلوس عندكم؟  
الحاج حسين : اقعد يا سيف... هفهمك كل حاجة  
سيف : من إمتي بتتدهلي سيف يا جدي؟  
الحاج حسين : أن الأوان نندهلك باسمك الحقيقي  
قطع

## أمام فيلا زهدي

- فيلا زهدي من الخارج  
- تتوقف سيارة الاجرة امام بوابة الفيلا....  
- ينزل من السيارة الحاج حسين ومعه سيف وناهد وملامحهم تدل علي الحزن  
- تنتظر ناهد للفيلا والبوابة
- ناهد : إيه الإهمال دا!!! هي دي الفيلا اللي كانت من أجمل الفيلا اللي في المنطقة؟  
الحاج حسين : الإهمال..... يلا ندخل  
سيف : استنوا..هو دا بيت أبويا؟..أنا مش فاهم حاجة  
ناهد : انا حكيتك على كل حاجة يا سيف  
سيف : إزاي بين يوم وليله أعرف إن أبويا عايش و إن ليا أخت وكمان مخطوفة والمفروض إني أرجعها؟  
إزاي وأنا معرفهاش وهي كمان متعرفنيش حاسس إني تايه.
- ناهد : نصيينا كده يا حبيبي  
الحاج حسين : اجمد يا سيف..أنت راجل وهتقدر تتحمل المسئولية  
سيف : لا مش جامد..أنا مش فاهم حاجة، حاسس إني في كابوس  
فؤاد : يا أهلا وسهلا..زهدي بيه هيطير من الفرحة.. نورتوا بيتكم..البيت هيبقي بيت من جديد
- تبكي  
- بانفعال ودهشه ودموع  
- يأتي فؤاد من الداخل ويستقبلهم بلهفة وفرحة  
- يدخل الجميع الي الداخل.
- قطع

## فيلا زهدي - غرفة نوم زهدي

- زهدي يبكي في سريره بلهفة
- يدخل فؤاد ومعه الحاج حسين و وراءه
- ناهد وسيف
- بخجل
- زهدي
- الحاج حسين
- تعالى يا حاج حسين..تعالى يا ناهد
- سلامتك يا زهدي بيه
- يقف سيف بعيدا
- زهدي
- تعالى يا سيف قرب..واقف بعيد ليه..
- أنا أبوك يا سيف..قرب منى.
- يقترب سيف بخطوات بطيئة
- ناهد
- معلش يا زهدي..الصدمة والمفاجأة
- جامدين عليه.
- يمسك الحاج حسين يد سيف ويقربه من
- زهدي
- تعالى يا سيف سلم على أبوك وبوس رأسه
- زهدي
- سيف
- أنا اللي أبوس رأسه ورجله ويسامحنى
- لا يا بابا.. ألف سلامه عليك.
- زهدي ينظر لناهد
- زهدي
- عرفتى تربي يا ناهد انتي والحاج..
- حقكم عليا
- سيف
- أختي اسمها إيه؟ وشكلها إيه في صورة ليها؟
- إزاي هعرفها لما أشوفها؟
- زهدي
- اسمها سمر..زي القمر..خمسة وعشرين سنة
- يقترب فؤاد وفي يده صورة زفاف
- فؤاد
- في صورة لها يوم زفافها من تسع سنين
- كان عندها ستاشر سنة
- يمسك سيف الصورة
- بدهشة
- سيف
- دي طفلة!
- ناهد
- حرام عليك يا زهدي
- زهدي
- الحاج حسين
- غلطت كتير وربنا بيعاقبني..سامحوني
- الكلام ملهوش لازمة.. سيف ربنا يقويه ويرجع اخته

- سيف : مين اللي خاطفها وأدور عليه فين؟  
 زهدي : ابن سليم هو اللي خاطفها  
 ناهد : هتلاقيه في اسكندرية في سموحة ابن  
 سليم مش هيأذي أختك هو بس عايز  
 حقه.. عرّفه ان المال كله ضاع والبنات  
 ملهاش ذنب  
 سيف : حاضر.. من بكرة علي اسكندرية  
 قطع

ن/خ

61/م

### محطة السوبر جيت بالقاهرة

- سيارة السوبر جيت تتوقف بالمحطة.
- يقبل سيف يحمل حقيبته ويدخل  
السيارة.
- تنطلق السيارة مسرعه

قطع

ن/خ

62/م

### طريق مصر - اسكندرية

- سيارة السوبر جيت تنطلق في الطريق.

قطع

ن/خ

63/م

### محطة السوبر جيت الإسكندرية

- تقبل سيارة السوبر جيت وتتوقف في المحطة.
- ينزل من السيارة سيف يحمل حقيبته ويتجه نحو خارج المحطة.

قطع

ن/خ

64/م

### الاسكندرية - الشارع الرئيسي

- يقف سيف ويشير لسيارة الاجرة وتتوقف
- يدخل السيارة وتتطلق به

قطع

65/م

ن/د

شبرا - منزل الحاج حسين - الصالة

- بدهشة : محسن  
مش فاهم يعنى ايه أبو هشام عايش وله  
أخت واتخطفت ... مليش دعوة أنا  
عاوز صاحبي
- تبكى : ناهد  
ده اللي حصل بظبط ياولاد  
أنا أروح لأمى أسالها أبويا مات بجد ولا  
عايش ومخبية عليا وأتقاجئ بيه بعد كده
- محسن : ومين سيف؟ أنا صاحبي اسمه هشام  
عمر : إحنا هانروح ندور عليه وهنلاقيه  
قطع

66/م

ن/خ

الإسكندرية - سموحة

- تتوقف سيارة الاجرة  
- ينزل منها سيف  
- يقف في حيرة  
- يقف شارد الذهن  
- يحدث نفسه  
- شارد الذهن
- سيف : رايح علي ارض الغربية وأنا الغريب فيها  
بدور علي المجهول وحتة من دمي  
بتمني ألاقها تايه منين ابدأ يا جراحى  
ليه بتدوسي علي القلب ميت مرة ولما  
قولت تعبت بتعيدي في الكرة..تقلبي في  
الموازين ومشاعري مكسورة وحتة من  
دمى مش واضحة فى الصورة
- سيف : مفيش داعي لاستخدام الإيديين في حاجة  
اسمها تفاهم
- كريم : يا جماعه عيب كده؟  
سيف : حاولت ومفيش فايده  
كريم : إحنا اتقابلنا قبل كده يا كابتن؟  
سيف : فعلا إحنا اتقابلنا في مستشفى القصر  
العيني
- مشاجرة علي الطريق مجموعة من الشباب  
يتشاجرون  
- ينتبه سيف علي صوت المشاجرة.  
- يتجه سيف نحو الشاجرة  
- يحاول فك الاشتباك  
- يقترب كريم  
- سيف ينظر لكريم  
- كريم يدقق النظر ويشبهه علي سيف  
- بابتسامه

- يتعانقان **كريم** : أنت راجل محترم وأنا سعيد إنني شوفتك مرة ثانية
- سيف** : وأنا سعيد إنني شوفتك
- كريم** : أنت جاي اسكندريه شغل ولا فسحة؟
- سيف** : لاشغل ولافسحة.. جاي في مهمه وراجع تاني
- كريم** : خلاص النهارده بتاعي مش هسيبك يا....؟
- سيف** : اسمي هشام
- كريم** : عاشت الاسامي وأنا أخوك كريم، تعالي معايا

### قطع

ن/خ

م/67

### الإسكندرية - سموحة - شارع عمومي

- كريم يصطحب سيف يعبران الطريق ويتحدثان **سيف** : أحسن حاجة حصلت لي النهارده إنني شوفتك
- كريم** : لازم تعرف من هنا ورايح إن لك أخ في اسكندريه اسمه كريم.
- سيف** : وأنت تعرف إن لك أخ من شبرا اسمه هشام
- بابتسامه **كريم** : عارف إن رجاله شبرا جدعان أوي.. المهم هتقعد معنا في اسكندريه قد إيه؟
- سيف** : مش عارف..ممكن أسبوع..شهر المهم أخلص من المهمه دي علي خير
- ورشة ميكانيكا السيارات أمامهم **كريم** : وصلنا خلاص..أعرفك مكاني وتاخذ تليفوني لو احتاجتني في أي حاجه رقبة أخوك سعادة والإسكندرية جدعان زي الشبراويه بالظبط
- يجلسان أمام ورشة ميكانيكا السيارات **سيف** : أنا ماليش أخ..بس من النهارده بقي عندي أخ اسمه كريم
- كريم** : قبل ماترجع مصر لازم تشرفنا في البيت - أخوك كريم ميكانيكي سيارات.
- سيف** : أهلا وسهلا
- يخرج من الورشة محمود شاب في الثلاثين يرتدي ملابس مشحمة **كريم** : اندهلي مصطفى بسرعة يا محمود

- يأتي مصطفى من الداخل وهو رجل في الاربعين ضخم الجسم

محمود : مصطفى يا مصطفى..كلم الباشمهندس مصطفى  
مصطفى : نعم يا باشمهندس تحت أمرك

كريم : بص يا مصطفى الراجل دا أخويا هشام من شبرا ولسه جاي وعايزين نغديه غدوة إسكندراني وأنت اللي هتتعرف تحبشها كويس.

مصطفى : يا أهلا وسهلا نورت اسكندرية يا أستاذ هشام - ساعه بالكثير والغدا يكون جاهز قدامكوا بألف هنا.

سيف : تسلم يا أسطي مصطفى  
كريم : اعمل حساب الرجالة معانا يا مصطفى  
مصطفى : تعيش يا باشمهندس يا أبو الكرم (صوت الهاتف المحمول)

- يرن الهاتف المحمول لسيف  
- بيتسم كريم

سيف : الو..أيوه يا ماما...  
- الحمد لله وصلت واطمني خالص..أنا لقيتلي أخ  
- بيتسم كريم. هنا من اسكندريه اسمه كريم.. ادعيله يا ماما

## قطع

ن/د

م/68

شبرا- شقة الحاج حسين الصالة

ناهد : الحمد لله يا حبيبي..دا رينا اللي بعثلك  
الأخ دا علشان يكون جنبك  
الدموع في عينيها

خلي بالك من نفسك يا هشام وتطمني أول بأول  
- جدك في المكتبة ومش قادر يقعد في البيت من غيرك.

- ترجع لنا بالف سلامة يا حبيبي

- تغلق ناهد الهاتف وتبكي.

- يدق جرس باب الشقه.

- تفتح ناهد الباب.

- تدخل سعاد.

سعاد : طمني يا ناهد علي هشام؟  
(صوت جرس الباب)

ناهد : الحمد لله ربنا رزقه بصاحب هناك ابن حلال.

سعاد : ربنا معاك يا هشام يا ابن ناهد متخفيش عليه يا ناهد ابنك طيب وربنا هيقف معاه

## قطع

69/م

ن/خ

### الإسكندرية - سموحة - أمام ورشه الميكانيكا

- سيف وكريم يجلسان ويتحدثان : مش قادر انسى لك موقف إنك اتبرعت بدمك من غير ما تعرفني بس انشغلت بوفاة المرحومة مراتي
- كريم
- سيف : المهم أنت عامل إيه بعدها الله يكون في عونك
- كريم : سابتلي آدم ابني بس الحمد لله البركة في أمي وأختي مهونين عليا الصدمة.
- مصطفى : يارب الأكل يعجبك يا أستاذ هشام
- يأتي مصطفى يحمل لفافات الطعام ويضعه أمامهم علي الطاولة
- سيف : تسلم إيدك.. اتفضل معانا
- مصطفى : بألف هنا.. هاكل مع الرجالة جوه
- سيف : كلفت نفسك يا كريم
- كريم : متقولش كده إحنا بقينا أخوات خلاص يا هشام
- سيف : ربنا يديم المحبه
- كريم : تعرف تتكلم وإحنا بناكل.. المهمه بتاعتك كام يوم؟
- سيف : احتمال أسبوع او شهر او أكثر
- كريم : وهتبات فين فى اسكندرية؟
- سيف : لسه مش عارف والله يا كريم
- كريم : اسمع بقي الكلام المفيد علشان مش معقول هتألف بشنطك.
- سيف : خير إن شاء الله؟
- كريم : إحنا عندنا أوضة للضيوف منفصلة عن الشقة تاخذ مفتاحها وترتاح النهاردة من السفر وتسيب شنطتك فيها وتروح للمهمه الرسمية اللي أنت جاي فيها وترجع تبات لحد ما تخلص مهمتك

- سيف : كده كتير أوي يا كريم  
كريم : مفيش حاجة كتيرة عليك يا هشام..تعالى  
معايا أعرفك البيت وتتعرف بالحاجة  
وتأخذ المفتاح  
سيف : مش عارف أقولك إيه؟  
كريم : تقوللى أنت بتشتغل إيه فى مصر؟  
سيف : جدي عنده مكتبة للكتب الخارجيه  
والأدوات المدرسية وكتابة وطباعة  
كمبيوتر وأنا اللي واقف فيها مع جدي.  
كريم : يعنى بتفهم كمبيوتر كويس؟  
سيف : طبعا لو محتاج حاجه علي الكمبيوتر  
أنا تحت أمرك  
كريم : نفسي أسجل كل حاجه فى الورشة  
وصور للعربيات اللي بتجيني والحسابات  
علي الكمبيوتر وكمان أميرة أختي  
محتاجة تتعلم حاجات على الكمبيوتر.  
سيف : أنا تحت أمرك طبعا  
كريم : خلاص لما ترتاح وتخلص المهمه  
بتاعتك تيجي معايا نشترى كمبيوتر  
كويس علشان أنا معرفش فيهم ونسجل  
عليه البيانات كلها.  
سيف : وممكن أعرفك إزاي تتعامل مع  
الكمبيوتر بسهولة  
كريم : تبقي عملت فيا خدمة مش هنسها لك  
سيف : الكلام دا مينفعش بين الاخوات ولا إيه؟  
كريم : معاك حق.  
قطع

ن/خ

م/70

### الإسكندرية - سموحة - ش عمر بن الخطاب

- شارع عمومي قريب من البحر  
- كريم وسيف يقبلان ويتمشيان في اتجاه  
منزل رقم 10

- كريم : هو دا الشارع والبيت رقم 10 واحنا في  
الدور الرابع والأوضة منفصله عن الشقة  
يعني ندهة واحدة تلاقيني عندك  
سيف : ربنا يفرحك بابنك

كريم : قول أفرح بأختي الأول..أنت متجاوز يا هشام؟

سيف : كنت مرتبط واستعجلت مقدرتش تستني لما ظروفي تتحسن ولما رجعت وندمت كنت أنا خلااص اتعودت علي حياتي من غيرها.

كريم : أنت ألف واحدة تتمناك يا هشام كفاية شهامتك

سيف : مش كفاية الشهامة والحب مش كفاية الايام دي في حاجات تانية أهم بالنسبة للبنات

كريم : مش كل الناس كده

سيف : مفيش هنا قصور أو بيوت ثقافه؟

كريم : إسكندرية بلد الفن والثقافه..أنت لك في الإبداع

سيف : بحب الشعر والغني القديم

كريم : دا أنت هاييل..أمي هتفرح بيك أوي..العيله كلها وأنا كمان بنحب الشعر والأغاني القديمة.

سيف : بتقول شعر يا كريم؟

كريم : متزوق وسميع لكن معنديش الموهبة

سيف : الاستماع موهبة والمستمع ناقد قوي

كريم : وصلنا..اتفضل

- بابتسامه

- يتوقفان امام منزل رقم 10

- يدخلان

- كلوز لشباك في الطابق الرابع

## قطع

ن/د

م/71

الاسكندرية - سموحة - امام شقة كريم

- باب شقة رقم 4 والي جانبه أبواب أخرى

- كريم وسيف يقبلان من علي السلام.

- يتوقفان أمام باب شقه 4

( صوت جرس الباب )

يرن كريم جرس الباب

كريم : لحظة واحدة أجبلك المفتاح

- يفتح باب الشقة وتظهر فاتن في الستين  
من عمرها
- ماما هاتي مفتاح الأوضة علشان هشام  
صاحبي جاي من مصر
- فاتن : أهلا وسهلا يا ابني
- كريم : فاكراه يا ماما لما كنت في المستشفى في  
مصر مع المرحومه وقتلتك في شاب  
اتبرع لها بدمه من غير ما يعرفني.
- فاتن : طبعا فاكراه.. هي دي حاجة تتنسى
- كريم : هو دا هشام
- فاتن : يا حبيبي ربنا يحميك تعالى اتفضل يا  
ابن الاصول
- سيف : وقت تاني يا ماما
- فاتن : كلمة ماما طالعة منك تدخل القلب..  
حالا اجيب المفتاح
- أميرة : جيت بدري يا كريم.. أنا أسفة مكننتش  
عارفة إن معاك ضيوف
- كريم : تعالى يا أميرة مفيش حد غريب.. دا  
هشام ودي أميرة أختي
- سيف : أهلا وسهلا يا أنسه أميرة
- أميرة : اتفضل يا أستاذ هشام
- فاتن : اتفضل المفتاح
- كريم : اتفضل يا هشام
- سيف : بعد إنكم

- مرحبة

- بحب

- تأتي من الداخل أميرة شابة في العشرينات

- تأتي فاتن والمفتاح في يديها

- يضع كريم المفتاح في الباب

قطع

ن/د

م/72

الإسكندرية - سموحة - شقة كريم

- أميرة : شكله طيب أوي هشام دا يا ماما
- شقه تدل علي ذوق راقى.
- الأنتريه - السفرة - الستائر راقية وحديثة.
- بإعجاب

- فاتن : هو طيب وبس.. دا شهيم وابن اصول
- أميرة : وعرفتي منين؟
- فاتن : ماهو دا اللي اتبرع بدمه لما كان أخوكي  
و المرحومة مراته في المستشفى في  
مصر
- أميرة : يااه هو دا.. دا جدع اوي

- يرن كريم جرس الباب.
- تفتح فاتن الباب ويدخل كريم.

(صوت الجرس.)  
 فاتن : تعالى يا كريم عايزاك في حاجة  
 كريم : خير يا ماما كنتي عايزاني في إيه؟  
 فاتن : متعرفش هشام متجوز ولا لأ؟  
 كريم : لا مش متجوز.. ليه  
 اميرة : تلاقيه خاطب ولا مرتبط  
 كريم : لا كان مرتبط بس محلصش نصيب ..  
 ليه الأسئلة دي؟  
 فاتن : بنتعرف عليه  
 كريم : كنتي عايزاني علشان كده  
 فاتن : لا يا كريم.. أنا عايزاك ترجع سمر لأهلها  
 كريم : بلاش كلام في الموضوع دا  
 أميرة : والله يا كريم سمر أطيب واحدة شوفتها  
 في الدنيا كلها وبصراحة مناسبه لك جدا  
 وخصوصا إن آدم ابنك متعلق بيها وهي  
 كمان متعلقه بيه وحنينة وطيبة  
 فاتن : صدقني يا كريم سمر بنت حلال انسي  
 الماضي ورجعها لأهلها وأنا اطلبها لك  
 منهم ونعيش مطمنين  
 كريم : هي فعلا بنت حلال وطيبة.. بس أنا  
 مستني أخوها سيف بيه اللي يلعب  
 بالفلوس بتاعتنا ولا سأل عنها ولا همه  
 عرضه.. دا مش راجل.. دا عار علي  
 الرجالة.  
 أميرة : وهي ذنبها إن ليها أخ معندوش دم زي  
 دا؟  
 فاتن : اسمع كلامي يا حبيبي نفسي أفرح بيك  
 ورينا يرزق أختك براجل ابن حلال زي  
 هشام ده محترم.. ونفرح بقي.. واهي  
 الورشه فلوسها كويسه ورينا بيرزقنا منها  
 كريم : كان المفروض يبقى عندنا مصنع أو  
 أكثر من مصنع مش ورشه لازم أنتقم  
 من سيف زهدي.. أنا نازل.

- تقف أميرة تسمع  
بمكر

- بنبرة جادة
- بحده
- تقف سمر في باب الطريقة تسمع لكلامهم

- يخرج كريم
- تبكي سمر وتلاحظها فاتن وأميرة

## قطع

## الإسكندرية- سموحة- شقة كريم - غرفة نوم أميرة

- غرفة نوم رقيقة بسريرين و تسريحة.

- سمر تجلس علي السرير تبكي وهي تحمل

آدم طفل

- صغير عمره شهر

- فاتن تدخل الغرفة ومعها أميرة

- تربت علي كتفها

فاتن : يا حبيبي يا سمر متزعليش والله كريم

ابني قلبه أبيض وطيب..بس صعبان

عليه إن حقه وحقنا ضاع بالشكل دا

سمر : وأنا ذنبي إيه يا ماما؟..والله العظيم

عمري في حياتي ما شوفت أخويا سيف

ولا مره إزاي هيجي يدور عليا وهو

عمره ما سأل عني ولا حتي سأل عن

بابا اللي علي فراش الموت

أميرة : متزعليش مني يا سمر..أخوكي دا مش

بني آدم خالص

سمر : واحد لا شافني ولا يعرفني هيدور عليا

ليه؟ تصدقي يا أميرة إني بحسدك علي

حب وخوف أخوكي كريم ليكي

أميرة : أخويا كريم أطيب قلب في الدنيا بس

انتظلم ومعرفش يعالج المرحومه مراته أم

آدم

سمر : بصي يا بنتي إنتي لو شوفتي العز اللي

كنا فيه قبل كده

هتعرفي إن اللي إحنا فيه دا ظلم

قطع

## الإسكندرية - أمام ورشة الميكانيكا

- يقف كريم أمام الورشة يتفحص احد السيارات الموجودة أمام بوابة الورشة ويقف مصطفى معه وشاب اخر

- العربية زي الفل..مفيهاش حاجة : كريم
- الاستاذ اتصل بالورشه وكان عايز حد : مصطفى
- يجيب العربية وروحت جبتها ومعرفتش فيها إيه
- حضرتك بتسوق بقالك قد إيه؟ : كريم للشاب
- كام شهر..قصدك إيه؟ : الشاب
- العربية كويسه روح لحد يعلمك سواقه كويس : كريم
- مساء الخير يا باشمهندس كريم : سيف
- سيف يمر أمام الورشه يشير لكريم بالسلام بيده
- علي فين يا هشام؟ : كريم
- هتمشي شوية ومش هتأخر : سيف
- لو اتأخرت هتصل اطمن عليك يا هشام : كريم
- مش هتأخر إن شاء الله : سيف
- سيف يهز رأسه بنعم
- بيتعد سيف

## قطع

## الإسكندرية- سموحة- الشارع مطل علي البحر

- شارع مطل علي البحر أمامه مقهي بالقرب من ورشة ميكانيكا السيارات
- يمر سيف أمام المقهي.
- يقترب سيف من أحد الجالسين علي المقهي بيومي رجل في الخمسين من عمره

- السلام عليكم : سيف
- عليكم السلام .. اتفضل : بيومي

- سيف يهز رأسه بنعم
- سيف** : من فضلك تعرف بيت سليم فين؟
- بيومي** : قالوك هنا في سموحه؟
- اللي يعرف كل شبر في سموحة  
واسكندريه كلها الرئيس محمد حمامة
- بلهفه
- سيف** : ألاقيه فين الرئيس محمد حمامة؟
- بيومي** : في بورسعيد قدامه يومين وتلاقيه قاعد  
جنبي هنا علي القهوة
- يخرج سيف و ورقه وقلم ويكتب ويعطي  
الورقه لبيومي
- سيف** : اسم حضرتك إيه؟
- بيومي** : اسمي بيومي
- سيف** : دا رقم تليفوني يا عم بيومي ممكن أول  
ما يوصل تتصل عليا هجيلك علي طول  
لأني محتاجله ضروري..ضروري
- بيومي** : خد تليفوني وربنا يعملك اللي فيه الخير
- سيف** : أنا متشكر جدا يا عم بيومي نتقابل علي  
خير
- بيومي** : لاشكر علي واجب مع ألف سلامة  
قطع

ل/خ

76/م

- الإسكندرية- سموحة- أمام ورشة الميكانيكا**
- يقف كريم وأمامه سيارة حديثة والي جانبه  
رجل بملابس راقية
- الرجل** : تسلم ايدك يا باشمهندس..الحساب كام؟
- يقبل سيف وينظرله كريم
- كريم** : جرب عربيتك الأول وبعدين نتحاسب
- سيف** : مساء الخير
- كريم** : مساء الفل .. كنت لسه هتصل عليك يا  
هشام اقعد لما اخلص مع الباشمهندس  
ونروح سوا يا هشام.
- يجلس سيف علي مقعد أمام الورشة
- الرجل** : الحساب أنا واثق فيك يا باشمهندس
- ينادي
- كريم** : خلاص الحساب مع مصطفى  
مصطفى.. يا مصطفى

- يأتي مصطفى من الداخل ومعه محمود  
وسيد شابا في العشرين
- مصطفى** : تحت أمرك يا باشمهندس
- كريم** : اتحاسب مع الباشا وقفل الورشه وأنا  
ماشى مع الأستاذ هشام
- سيد** : استنتي يا باشمهندس كريم
- كريم** : خير يا سيد في حاجة؟
- سيد** : أنا غلطت في حق مصطفى ومحمود  
وعايز نحق نفسي ليهم قدامك يا  
باشمهندس كريم.
- كريم** : عملت إيه يا سيد المرة دي؟
- محمود** : خلاص يا باشمهندس اتفضل بالسلامة  
عشان الأستاذ هشام ميتعطش وأنا  
هخلص الموضوع دا
- سيد** : خليه يسامحوني يا باشمهندس
- محمود** : خلاص أنا مسامح بس بعد كده  
ميتكرش اللي عملته
- كريم** : أنت عملت إيه سيد؟
- سيد** : خلاص بقي يا باشمهندس  
**قطع**

- بخجل

- بقلق

ل/خ

م/77

### الإسكندرية - سموحة - شارع البحر

- كريم وسيف يمشيان ويتحدثان
- سيف شارد الذهن
- ينتبه
- كريم** : روحت فين النهارده؟ يا هشام عملت  
حاجة في المهمة بتاعتك؟
- سيف** : الراجل اللي أنا عايزه هيرجع اسكندريه  
بعد يومين.
- كريم** : انا مش هسألك عن التفاصيل..خليك  
علي راحتك..لكن نستغلك اليومين دول.
- سيف** : مفيش استغلال بين الاخوات
- كريم** : بكره إن شاء الله نروح سوا نشتري  
الكمبيوتر
- سيف** : وليه بكره نروح انهارده خير البر عاجله

كريم : لا النهارده الحاجه مجهزة العشا وقاعدين

في البيت في انتظارك

سيف : أنا كده سببت إزعاج للعيله كلها

كريم : بلاش عبط..يلا مش عايزين نجوعهم

أكثر من كده

سيف : معلىش اعتذر لها

(صوت الهاتف المحمول) لكريم.

- يرن الهاتف المحمول

كريم : ماما بنتصل ويتستعجلنا يلا..كفايه كده

- يرد علي الموبايل

الو..إحنا في الطريق يا ماما

### قطع

ل/د

م/78

### الاسكندرية - شقة كريم - الصالة

- السفرة عليها أطباق الطعام المختلفة

- تأتي أميرة من الداخل تحمل بعض

- الأطباق تضعها علي السفرة وتربط شعرها

الطويل بتوكة.

- تأتي سمر من الداخل تحمل آدم بيد وباليد

الأخرى صينييه طعام

- فاتن تمسك بالهاتف المحمول تتكلم

فاتن : اتأخرتوا كده ليه يا كريم؟

يلا..يلا الأكل هيبعد..متتأخروش

أميرة : قوليلهم جوعنا خلاص

فاتن : هما في الطريق..قربوا خلاص علي

البيت

- تغلق فاتن الهاتف

سمر : خليها تفك شعرها ياماما وتحط روج

- بابتسامه

فاتن : عندك حق يا سمر ادخلي يا أميرة

اعلمي زي سمر مابتقول

أميرة : و ليه يعني؟

- بخجل

سمر : وفيها إيه يا أميرة؟..ماما وكريم بيقولوا

إنه طيب وابن حلال

- فاتن** : اه والله يا سمر وشهم وفيه كل الصفات  
الحلوة وانتي هتشوفيه بنفسك
- سمر** : لا أنا مش هقعد وهو هنا..أنا وادم  
هنشوفه من بعيد وأقولك رأيي وأدعيلك  
كمان
- أميرة** : لا يا سمر خليكى جنبى
- فاتن** : سمر معاها حق يا أميرة علشان آدم  
ميلخمناش
- (صوت جرس الباب)
- سمر** : وصلوا أنا داخله جوه
- تعالى معايا فكي شعرك ولوني شفايفك  
دي
- فاتن** : يلا بسرعة
- سيف** : يا أهلا وسهلا يا هشام يا ابني
- كريم** : أهلا بحضرتك يا ماما
- فاتن** : فين الناس اللي هنا؟..أنا جعان
- أميرة** : أميرة..يا أميرة
- أميرة** : حاضر يا ماما هجيب السلطه وأجي
- كريم** : تعالى يا هشام علي السفرة لسه هنستني  
السلطه
- سيف** : فين ابنك آدم؟
- فاتن** : آدم مش عايز يسيب سمر
- كريم** : إيه مالك يا هشام؟
- سيف** : افكرت حاجة
- أميرة** : يا رب أكلنا يعجبك يا أستاذ هشام
- سيف** : تسلم إيديكي إنتي وماما..تعبتكوا معايا
- فاتن** : أنت شرفتنا ونورتنا يا ابني

- يرن جرس باب الشقة

- تمسك بأميرة

- يفتح باب الشقة ويدخل كريم ومعه سيف

- تتادي

- صوت يأتي من الداخل

- يمسك سيف بمعلقه

- يرتبك سيف وتقع المعلقة من يده

- تأتي أميرة من الداخل متزينة وقد فكت  
شعرها

قطع

## شبرا - شقة الحاج حسين - الصلاة

- الحاج حسين يجلس علي كرسي الانتريه  
 امام التليفزيون  
 تأتي ناهد من الداخل وفي يدها بعض  
 أطباق الطعام.
- ناهد : يلا يا بابا علشان تاكل  
 (صوت التليفزيون)
- الحاج حسين : شبعان يا ناهد
- ناهد : أنت مكلتش حاجة من الصبح
- الحاج حسين : مفيش نفس..كلي إنتي يا ناهد
- ناهد : لو هشام عرف إنك مش عايز تاكل  
 هيزعل
- الحاج حسين : ربنا يقويه علي اللي هو فيه ويرجعه  
 بالسلامة
- ناهد : أنا خايفه أوي علي هشام يا بابا
- الحاج حسين : متخفيش ابنك طيب وربنا هيحافظ عليه
- يدق باب الشقة  
 ناهد تفتح الباب  
 محسن وعمر يظهران وبحملان لافته  
 (هشام يا صاحبي أنت فين)
- صوت دق الباب
- محسن : إحنا رايعين إسكندرية هندور على أخونا  
 وصاحبنا
- ناهد : يارب تلاقوه يا ولاد
- عمر : لازم هنلاقيه  
 قطع

## الإسكندرية - شقة كريم - الصلاة

- كريم وفاتن وسيف وأميرة وكله علي السفره  
 كريم : علي فكرة يا ماما هشام هيبجي معايا  
 بكرة نشترى كمبيوتر وهيعلمني إزاي  
 أسجل عليه كل حاجة في الورشة
- فاتن : ربنا يخليكوا لبعض يا ولاد اخوات  
 وحبائب

- بابتسامه وإعجاب : أميرة : علي كده أنت بتعرف كمبيوتر كويس؟  
فرصه أستغلك
- بابتسامه : سيف : أنا بحب اللي يستغلي..تحت أمرك
- أميرة : عايزة أتعلم وورد علشان أعمل الجداول  
بتاعت المدرسة.
- : سيف : بسيطة..من عنيا
- : كريم : وهشام بيكتب شعر وبيغني وفاضي  
يومين بحالهم
- بفرح : أميرة : واو..لازم أسمع أنا بحب الشعر جدا
- : فاتن : وأنا بحب الأغاني القديمة
- : كريم : بعد العشا نقضي السهرة شعر وغُني
- : فاتن : فاضي يومين يعني ممكن ناخده فسحه  
ونروح المنتزه إيه رأيك؟
- : سيف : أنا تحت الأمر والطلب بس مش عايز  
أعطل حد
- : كريم وأميرة : إحنا بنحب اللي يعطلنا...
- : فاتن : خلاص بكرة إن شاء الله علي المنتزه
- قطع

ل/د

م/81

الإسكندرية - شقة كريم - غرفة اميرة

- بلهفة : أميرة : إيه رأيك في هشام؟
- بابتسامه : سمر : ربنا يجعله من نصيبك يا أميرة..شكله  
ابن ناس ومحترم.
- : أميرة : يا رب يا سمر..أنا بحبك أوي يا  
سمر..حاسه إنك أختي بجد.
- : سمر : ربنا أعلم يا أميرة إنتي ومامتك دخلتوا  
قلبي من أول ما شوفتكم رغم...

- بخجل  
أميرة : رغم اللي عمله كريم معاكي  
سمر : هو اكيد غصب عنه..بابا ظلمه زي ما  
ظلمني
- يأتي صوت سيف من الخارج يغني  
ص: سيف : رايح لأرض الغربية  
وأنا الغريب فيها
- علامات التأثر علي ملامح سمر وأميرة  
وحته من دمي بتمني ألقبها  
بدور علي المجهول  
تايه منين أبدأ  
ومشاعري مكسورة  
وحته من دمي  
مش واضحة في الصورة
- اميرة : ياااااااااه باين عليه اتجرح اوي  
قطع

ن/خ

م/ 82

الإسكندرية- سموحة- أمام منزل كريم

- تتوقف سيارة كبيرة سوداء  
كريم وسيف يقفان في انتظار
- كريم : ها اطلع أشوفهم اتأخروا ليه؟  
سيف : لسه بدري..سيبهم علي راحتهم  
كريم : استتاني في العريه مش هتأخر عليك  
سيف : أنا كده كويس اطلع أنت
- يدخل كريم المنزل
- قطع

ن/خ

م/ 83

الإسكندرية- شقة كريم

- سمر : لا يا أميرة مش هروح معاكوا  
فاتن : أنا حاسه إن كريم بيرتاح لك يا سمر  
بس محرج منك بسبب اللي عمله  
أميرة : أنا حاسة إنه في الرحله دي هيتكلم  
معاكي في حاجات كثير  
سمر : أنا وآدم هنستاكوا هنا  
أميرة : لا هتروحي يا سمر  
كريم : مين اللي مش عايزة تيجي؟  
أميرة : سمر مش عايزة تيجي  
كريم : هتيجي غصب عنها..يلا قدامي..قدامي
- يدخل كريم  
- بدعابه يمسكها

- سمر تنتظر لكريم
- بابتسامه
- : حاضر..بس
- : مفيش بس قدامي يا سمر
- : أميرة
- : برفو عليك يا كريم
- : فاتن
- : علشان الرحلة تبقى حلوة

قطع

ن/خ

م/84

### الإسكندرية - أمام منزل كريم

- سيارة كريم السوداء متوقفة
- سيف يقف إلي جانب السيارة
- يخرج كريم من باب المنزل ويمسك في يده
- سمر من يدها وهي تحمل آدم.
- سيف ينظر لسمر ويشبه عليها.
- سيف وسمر يتصافحان.

- : كريم
- : دي تبقي أم آدم
- : سيف
- : أهلا وسهلا.. احنا اتقابلنا قبل كده؟

اشتريتي حاجه من شبرا؟

- : سمر
- : أنا عمري ما روحت شبرا
- : سيف
- : ممكن تكوني شبه حد أعرفه

- تهز رأسها بلا
- تخرج فاتن ومعها أميرة من باب البيت الي
- السيارة

- : كريم
- : ادخلي العربية
- : فاتن
- : إزيك يا حبيبي
- : سيف
- : الله يخليكي يا ماما
- : أميرة
- : إزيك يا أستاذ هشام
- : سيف
- : الحمدلله.
- : كريم
- : كفايه سلامات لما نوصل المنتزه سلموا
- براحتكوا يلا يا هشام..تعالى جنبني هنا

- يجلس سيف بجانب كريم الذي يجلس
- علي مقعد القيادة
- فاتن وسمر وأميرة في المقعد لخلفي

قطع

85/م

ن/د

حلوان - فيلا زهدي - غرفة زهدي

- زهدي يرقد في حاله سيئة.
- فؤاد يقف مع الطبيب
- فؤاد : رأي حضرتك إيه يا دكتور؟
- ممكن يكمل في المستشفى
- الطبيب : بلاش نبهدله في المستشفى هي مجرد أيام معدودة
- فؤاد : لا حول ولا قوة الا بالله
- قطع

86/م

ن/خ

الإسكندرية - طريق عمومي اتجاه المنتزه

- سيارة كريم تتطلق مسرعه.

قطع

87/م

ن/خ

الإسكندرية - شارع رئيسى

- محسن وعمر يحملان اللافتة (هشام ياساحبى أنت فين) يمشيان فى الشارع يرفعان اللافتة يلفتان نظر المارة إليهم بدهشة

قطع

88/م

ن/خ

الإسكندرية - المنتزه

- حديقة المنتزه
- تقبل سيارة كريم وتدخل الي حديقة المنتزه
- تتحرك الكاميرا مع السيارة الي داخل الحديقة.
- تتوقف سيارة كريم
- ينزل كريم وسيف من السيارة
- تنزل فاتن ومعها أميرة وسمر التي تحمل آدم
- سمر تحمل آدم وتتمشي بالحديقة
- كريم يلحق بسمر
- سيف يمشي إلي جانب فاتن وأميرة
- فاتن تقرب أميرة تجاه سيف.

- كريم يلحق بسمر وملامحه تدل علي الخجل والحزن رغم الابتسامة.
- كريم** : أنا اسف يا سمر علي اللي عملته لكن والله يا سمر أنا قلبي أبيض بس الأبيض بيتهدل بسرعه
- سمر** : رينا يكفيك شر البهده..أنا كمان اتهدلت أوي أوي يا أبو آدم.
- فاتن تنتظر لكريم و سمر بفرحة
- فاتن** : كريم وسمر لايقين علي بعض أوي وآدم في وسطهم.
- أميرة** : أوي أوي يا ماما..رينا يجعلها من نصيبه
- سيف** : مش عارف ليه حاسس إنني أعرفها
- فاتن** : يخلق من الشبه أربعين

(صوت غناء سيف)

- مجموعه من الشباب
- يعزفون ينظر لهم
- سيف بإعجاب ثم ينضم إليهم.
- سيف يغني
- يلتفت كريم وسمر علي صوت سيف
- ينضم الجميع إلي الشباب ويتفاعلون معهم بالغناء والرقص.
- تنتظر أميرة لسيف بإعجاب.
- ينتهي سيف من الغناء
- كريم يمسك بيد سمر ويمشي معها بعيدا.
- بحب.

- كريم** : فكرت كثير إنني أرجعك بس البيت هيبقي وحش أوي من غيرك يا سمر..وآدم مش هيسكت من غيرك..بس عايزك تسامحيني
- سمر** : مسألته نفسك أنا ليه مصرختش ولا حاولت الهرب من بيتك؟
- لو تعرف اللي حصلني من أبويا وآدم عوضني عن بنتي الله يرحمها وحاسة إنه ابني بجد وعمري ما هقدر ابعد عنه أبدا
- كريم** : يعني مسامحاني؟

- يرن جرس الهاتف المحمول

- يرد

(صوت الهاتف المحمول) لسيف  
ألو..أيوة يا حاج بيومي خلاص مش  
هتأخرومتشكر جدا مع السلامة.

سيف

- يقترب سيف من كريم

في حد اتصل بيك يا هشام  
أيوه ومضطر أسيبكم علشان الرئيس  
حمامة وصل

كريم

كريم : قصدك محمد حمامة؟

سيف : أيوة هو..أستاذن أنا

كريم : لا خلاص كلنا هنرجع معاك

سيف : لاكملوا فسحتكوا براحتكوا

أميرة : زي ما جينا سوي نرجع سوي

فاتن : إحنا جايبين النهاردة علشانك يا حبيبي

وزي ما جينا مع بعض هنرجع مع

بعض

أميرة : ربنا يوفقك

قطع

- تقترب فاتن ومعها أميرة

ن/خ

م/89

الإسكندرية- سموحة- الشارع مطل علي البحر

سيف : مساء الخير يا حاج بيومي

- شارع مطل علي البحر أمامه المقهي

القريب من ورشة كريم.

- بعض الناس حول الطاومات من بينهم

بيومي.

- يقترب سيف من بيومي

بيومي : مساء الخير يا ابني..أنت اللي كنت

- يقف كريم أمام الورشه وعينه علي سيف

عايز الرئيس حمامة؟

سيف : أيوة ومتشكر إنك اهتميت

بيومي : الحقه هناك أهوه

- يشير بيده

سيف : كتر خيرك

- يتجه سيف نحو

بيومي : العفو يا ابني

سيف : مساء الخير يا ريس حمامة

- الرئيس حمامة وهو رجل في الخمسين من

عمره

حمامه : أهلا وسهلا اتفضل..تشرب إيه؟

- يجلس سيف علي مقعد الي جانب حمامة **سيف** : شكرا مش عايز أشرب حاجة أنا عايز أعرف بيت سليم
- يقلب في شعره **حمامة** : بيت سليم..قصدك محمود سليم علشان سليم مات من كام سنة
- باشمئزاز **سيف** : وفين محمود سليم؟
- يقاطعه **حمامة** : ده واد بطل وسيرته والليعوز بالله
- سيف** : هو ساكن فين؟
- حمامة** : أنت عايز منه إيه يا أستاذ؟ شكلك ابن ناس ومش هتعرف تتعامل مع الواد دا
- سيف** : معلش ممكن حضرتك تقولي العنوان وأنا هتصرف..ليا عنده أمانه ولازم أقابله
- حمامة** : هو كان هنا في سموحه بس اصحاب البيت طردوه لما عرفوا إنه خاطف بنت من أهلها و عايشه معاه من غير جواز والبنيت حامل
- تتغير ملامح سيف بغضب وحزن وانفعال شديد **سيف** : ابن الكلب.. وراح فين بالبنيت؟
- حمامة** : راح أبو قير في عشة من عشش الصيادين اللي علي البحر
- سيف** : شكرا يا ريس حمامة بس ممكن تقولي أروح أبو قير إزاي؟
- يشير بيده **حمامة** : تاخذ عربيه من الموقف اللي هناك دا يوديك أبو قير..بس نصحيه مني بلاش تروح للواد دا
- سيف** : والله لانتقم منه ابن الكلب دا
- حمامة** : شكلك ابن ناس ومحترم وأنت مش قده
- سيف** : ربنا معايا..سلاموا عليكم
- حمامة** : ربنا معاك يا ابني
- يمشي سيف في اتجاه الموقف.
- يقترب كريم بسرعة من حمامة.
- كريم** : إزيك يا ريس حمامه
- حمامة** : أهلا يا باشمهندس كريم
- كريم** : بقولك يا ريس حمامة
- حمامة** : خير يا باشمهندس
- كريم** : الشاب اللي كان معاك من شوية ومشى علي الموقف إيه حكايته؟
- حمامه** : الشاب ده يهكم؟

- كريم : طبعا..دا صاحبي وزى أخويا بالظبط  
ليه؟
- حمامة : لو يهملك حصله قبل الواد محمود سليم  
ما يغزه بمطوه ولا يرميه فى المالح
- كريم : إيه اللي يوديه لمحمود سليم البطال دا؟
- حمامة : اللي فهمته إن البنت اللي مع محمود  
تخصه.. قريبتة..حبيبته..ناوي يعمل  
معاه عاركة .. المهم تلحقه شكله ابن  
ناس ومحترم ومش قد محمود سليم دا  
واد صايح.
- كريم : عارفه واد صايح وملهوش كبير..شكرا يا  
ريس حمامة بس محمود سليم فين  
دلوقتي؟
- حمامة : فى أبو قير فى عشة من عشش  
الصيادين اللي على البحر
- كريم : شكرا حالا أحصله..سلام.

- بقلق

- يجري كريم فى اتجاه الورشة

### قطع

ن/خ

م/90

### الشارع العمومي اتجاه أبو قير

- الطريق العمومي.
- سيارة سيرفيس مسرعة على الطريق.
- سيف يطل برأسه من شباك السيارة

### قطع

ن/خ

م/91

### الإسكندرية - سموحة - أمام ورشه كريم

- يقف مصطفى أمام سيارة يتفحصها.

مصطفى : خير يا باشمهندس بتجري ليه؟

- يقبل كريم يجري

كريم : تعالى معايا أنت وسيد

- يتجه كريم لسيارته السوداء المتوقفة القرب

من الورشة

مصطفى : والورشة؟

كريم : محمود يخلي باله لحد ما نرجع

مصطفى : فى إيه؟

كريم : فى عاركه مع محمود سليم فى أبو قير

- مصطفى : يولع دا واد صايح واحنا مالنا  
 كريم : بيتعارك مع هشام صاحبي  
 مصطفى : الأستاذ هشام.....  
 كريم : مش وقت كلام نادي علي سيد ويلا  
 بسرعه  
 مصطفى : محمود..محمووود  
 محمود : نعم  
 مصطفى : بسرعه هات من جوة كام حاجة علشان  
 في عاركة وخلي بالك من الورشة  
 واندهلي سيد.  
 محمود : مع مين؟  
 كريم : يلا بسرعه
- يأتي محمود من الداخل  
 - يدخل كريم سيارته ويلحق به مصطفى  
 وسيد وفي يدهما الأدوات اللازمة  
 - يدخلون السيارة وينطلق كريم بسرعه في  
 الطريق

### قطع

ن/خ

92/م

الشارع العمومي - اتجاه ابو قير

- السيارة السيرفيس مسرعة علي الطريق.
- سيف يطل من شباك السيارة

### قطع

ن/خ

93/م

الشارع العمومي اتجاه أبو قير

- الشارع العمومي.
- سيارة كريم تنطلق علي الطريق مسرعة

### قطع

ن/خ

94/م

الإسكندرية - أبو قير

- موقف سيارات سيرفيس أبو قير
- تقبل سيارة سيرفيس وتتوقف في الموقف.
- سيف ينزل من السيارة ينظر حوله
- شاطئ البحر
- عش الصيادين ( بيوت صغيرة علي الشاطئ)

- بعض المارة
- يتجه سيف نحو العرش
- سيف يسأل احد المارة
- يشير بيده
- يتجه سيف نحو الباب الرابع

سيف : لو سمحت محمود سليم ساكن فين؟  
الرجل : هناك رابع باب ربنا يكفيننا شره.

### قطع

ن/خ

م/95

الشارع العمومي - اتجاه أبو قير

- سيارة كريم السوداء تنطلق علي الطريق
- مسرعة

### قطع

ن/خ

م/96

الإسكندرية - أبو قير

- موقف سيارات السيرفيس
- تقبل سيارة كريم وتتوقف
- ينزل كريم من السيارة
- يسأل أحد المارة

كريم : محمود سليم ساكن فين؟  
الرجل : رابع باب هو باب الشر  
كريم : قفل العربيه عندك وتعالالي رابع باب

### قطع

ن/خ

م/97

الإسكندرية - أبو قير - أمام منزل محمود سليم

- يقف سيف أمام منزل محمود سليم.
- يدق سيف الباب
- يفتح الباب من الداخل ويظهر محمود
- سليم وهو شاب في الثلاثين من عمره
- يرتدي شورت فقط وملامحه تدل علي
- الشراسه.

محمود : نعم..عمال تخبط وأنا نايم ساعه  
زهريه.. عايز إيه؟  
سيف : أنا أخو البنت اللي جوا اللي أنت  
خاطفها

محمود : أنت بتقول إيه يا واد أنت؟  
كريم : في إيه يا هشام..أليك عنده إيه؟

- يقبل كريم بسرعه هو ومصطفي ومحمود

- كريم يربت علي كتف سيف : سيف : ليا عنده أختي يا كريم واخذها عافيه  
ويبعاشرها من غير ما يكتب  
عليها..لازم يكتب عليها دلوقتي.
- بانفعال محمود : أنت بتخرف بتقول إيه؟ دي ملهاش  
اخوات اساسا
- بحده كريم : اتكلم عدل يا محمود واندهلها
- ينادي محمود : تعالى يا بت
- تأتي من الداخل حنان شابه في العشرين حنان : عايز إيه؟
- باستفهام ودهشه سيف : أنا أخوكي ومحمود لازم يكتب عليك  
دلوقتي
- بعض الناس تلتف حولهم حنان : أخويا؟
- محمود : قلتك ملهاش اخوات
- سيف : صدقيني أنا أخوكي إنتي مكونتيش  
تعرفي إن ليكي أخ ولازم يحميكي ويستتر  
عرضك.
- بهمس كريم : تعالى يا هشام كلمه كده علي جنب
- سيف : لما يجيب مأذون ويكتب عليها الأول
- بهمس كريم : أنت متأكد إن دي أختك؟
- يهز رأسه بنعم سيف : أيوة بس أول مرة أشوفها
- بانفعال محمود : ردي يابت..دا أخوكي؟
- بقوة حنان : اه أخويا وعمايزك تتجوزني فيها إيه يا  
محمود..رينا يخليك ليا يا أخويا رينا  
بعتك ليا نجده من السما.
- بهمس ونصح كريم : بقولك يا هشام نرجعها وبلاش نربطها  
بالواد دا.
- بخجل ودموع سيف : أختي حامل منه يا كريم
- بغضب كريم : ابن الكلب..امسك الواد دا يا مصطفى  
عقبال ما نجيب مأذون..
- مصطفى : اطمن يا باشمهندس في الحفظ والصون
- سيف : ما تيجي ندخل جوه..الستر حلو
- كريم : العشه مش هتكفيننا والكل لازم يعرف  
إنها اتجوزته قدام الناس دي كلها

سيف : عندك حق يا كريم يا أخويا  
كريم : اجري يا سيد شوف لنا مأذون المنطقه  
دي فين وهاته بسرعه  
سيد : حاضر يا باشمهندس..حالا

- يجري سيد.

## قطع

ن/خ

م/98

### الإسكندرية - سموحة - شقة كريم

فاتن : ياتري هشام عمل إيه في مشواره؟  
أميرة : اتصلي بكريم واسأليه عن هشام  
فاتن : ألو..أنت فين يا كريم وإيه الدوشه اللي  
جنبك دي؟  
- كنت عايزة اطمن علي هشام.  
- بتقول إيه بيجوز اخته؟  
- هي اخته في اسكندريه؟  
- أنت بتقول إيه يا كريم؟  
- خلاص ربنا معاكوا يا ابني..ربنا  
يحميكوا.

- أميرة وسمر وفاتن يجلسان في قلق

- تمسك فاتن الموبايل وتتصل

- استنفهام

- بقلق

- تغلق الهاتف في قلق

بقلق

أميرة وسمر : في إيه.....؟  
أميرة : ماله هشام يا ماما  
فاتن : الحكاية كبيرة اوي  
سمر : حكاية إيه؟  
فاتن : أتاري لهشام أخت هنا في اسكندرية  
وجاي علشان يجوزها وحكاية جامدة أوي  
سمر : راجل والله هشام جاي من مصر علشان  
أخته مش زي.....

- بحزن

## قطع

## الإسكندرية - أبوقير - أمام عشة محمود سليم

- طاولة يجلس أمامها المأذون  
- سيف وكريم ومصطفى وسيد ومحمود  
حول الطاولة  
- حنان تقف علي باب العشه  
- بهمس لسيف
- محمود : مفيش فلوس اتجوز إزاي؟  
كريم : اكتبم يالا مش عايزين منك فلوس.  
سيف : اكتب يا عم الشيخ أنا أخوها ووكيلها  
المأذون : بطاقة العريس فين؟  
مصطفى : معايا خدتها منه ابن ال.....  
المأذون : بطاقة العروسة  
سيف : هاتي بطاقتك يا سمر
- يقوم سيف ويتجه نحو حنان ويأخذ منها  
البطاقة
- حنان : اسمي في البطاقة حنان..ربنا يخليك  
ليا..دا انت نجده من السما.  
سيف : بطاقة العروسة ومعك بطاقتي  
كريم : وأنا شاهد وبطاقتي اهي  
مصطفى : بطاقتي اهي  
المأذون : أنت أخوها إزاي؟ اسمك غير اسمها هي  
حنان عبدالله وأنت سيف زهدي.
- سيف : بلاش تدقق في الاسماء  
المأذون : علي بركه الله..مد ايدك يا عريس في  
إيد وكيلها  
مصطفى : مد إيدك عدل لاعدلها لك علي القبلة ومن  
هنا ورايح لو زعلتها هتلاقينا في وشك
- المأذون ينتهي من عقد القران  
- تتادي  
- يقترب  
- كريم يراقب ويسمع
- حنان : أخويا..تعالى عايزاك في كلمة  
سيف : نعم؟  
حنان : ربنا يستر عرضك...  
سيف : لو عايزاني أطلقك منه وترجعي  
معايا.....
- حنان : لا أنا كنت عايزاه يتجوزني ومكنش  
راضي كتر ألف خيرك.

سيف : إنتي أختي ولازم أكون جنبك ولو محتاجة أي حاجة أنا تحت أمرك

حنان : أختك إزاي أنا مليش اخوات..أنا متربيه في ملجأ وهربت من الملجأ لما محمود وعدني بالجواز.

سيف : مش إنتي سمر بنت نعيمة و زهدي؟  
حنان : لا وعمر ما حد ندهلي سمر..بس كتر خيرك

كريم : يلا يا سيف..المهمة خلصت خلاص

- بهمس

- يربت عي كتفه  
- كريم وسيف بيتعدان

### قطع

ن/خ

100/م

### الإسكندرية- أبوقير- الشاطئ

كريم : احكي لي حكايتك أقولك يا سيف ولا يا هشام؟

سيف : والله طول عمري هشام..كنت بكتب سيف في المدرسه بس وفي يوم وليله رجعلي اسم سيف و رجعلي أبويا اللي كان ميت وبقي عندي أخت وكمان مخطوفه ولازم أروح اسكندريه علشان ارجعها

كريم : - تعبان أوي يا كريم وبعد البهدله طلعت واحدة تانية مش أختي سمر.

كريم : بس الحمد لله كنت سبب في ستر عرض وليه  
سيف : ما أنا لسه عرضي ضايع ومش عارف اللي خطفها بيعمل فيها إيه..هتجنن يا كريم

كريم : قوم نرجع يا هشام

### قطع

- كريم وسيف يجلسان علي الشاطئ

- بيكي سيف وبتدمع عين كريم

- بانفعال

- كريم يمسك بيد سيف يساعده في النهوض

101/م

ل/خ/د

الإسكندرية - الطريق العمومي اتجاه سموحه

- كريم يقود السياره وتدمع عينيه  
سيف : تعبتك معايا يا كريم وعطلتك..أسف
- سيف بجانب كريم حزين
- كريم : محدش عارف مين يتأسف لمين يا سيف.
- سيف : مش متعود على سيف..ولسه هدور  
تاني علي أختي سمر اللي عمري ما شوفتها.
- بكاء كريم : خلاص بلاش تدور تاني... أنت انتظمت كثير
- سيف : ادعيلي يا كريم وخلي والدتك تدعيلي  
نفسى الأقي أختي وارتاح وأرجع لحياتي  
أمي وجدي
- كريم يدوس بنزين ويسرع بالسيارة : حاسس إنني تايه .. ضايع

قطع

102/م

ل/خ

الإسكندرية - سموحة - أمام شقة كريم

- تقبل سيارة كريم وتتوقف أمام المنزل.
- ينزل كريم وسيف من السيارة.
- يتجهان نحو باب المنزل.
- كلوز لشباك في الطابق الرابع تنتظر منه سمر.

قطع

103/م

ل/د

الإسكندرية - سموحة - أمام منزل شقة كريم

- سمر تقف أمام باب الشقة تحمل آدم وتبتسم.
- كريم وسيف يقبلان وملاحهما تدل علي الحزن

- بابتسامه **سمر** : ألف مبروك يا أستاذ هشام
- ينزل كريم والدموع في عينيه **كريم** : بعد إنكم نازل وراجع عل طول
- بتعجب **سيف** : مبروك جواز أختك بس مش كنت تقوللنا نحضر معاك؟ كده نعرف لما نتصل بكريم يقولنا إنك بتجوز أختك
- **سيف** : مطلعتش أختي
- سمر** : انت متعرفش أختك؟
- سيف** : للأسف ولا عمري شوفتها..أنا جاي أدور عليها في اسكندريه..ادعيلي ألقبها.
- سمر** : أختك اسمها إيه؟
- سيف** : أختي اسمها سمر واللي جوزتها النهاردة اسمها حنان بس كنت فاكر إن لها اسمين زي ما اسمي سيف وبيندهولي هشام
- تدمع عين سمر **سمر** : وأنت جاي من مصر علشان أختك؟
- سيف** : طبعا مش أختي..صحيح ما قبلتهاش ولا مرة بس أنا مكنتش أعرف إن ليا أخت ولا كنت أعرف إن أبويا عايش
- تأتي أميرة من الداخل وتلاحظ سمر **أميرة** : حمدلله علي السلامة وسيف
- يدخل سيف الغرفة المجاورة. **سيف** : الله يسلمك بعد انكم
- تنتظر أميرة لسمر بعتاب. **أميرة** : مش تندهيلني أقف معاكوا واننوا بنتكلموا
- سمر تدخل إلي الداخل **سمر** : معلش يا أميرة مش قادرة اتكلم دلوقتي

## قطع

ل/د

م/104

### الاسكندرية - شقة كريم - غرفة نوم أميرة

- سمر الي جانب آدم علي السرير تبكي **سمر** : يا حبيبي يا أخويا بتدور عليا..يا تري وتحدث نفسها
- ممكّن كريم يعمل فيك إيه يا أخويا

- - تدخل أميرة وتتنظر لسمر بعتاب
- أميرة : بتعيطي ليه يا سمر..كنت فاكرة هلاقيكي فرحانة
- سمر : مش عارفه اقولك إيه؟بس خايفة..خايفة أوي يا أميرة
- أميرة : خايفة تقولي إنك غيرتي رأيك في كريم؟
- سمر : تفتكري لو كريم اتقابل مع سيف أخويا ممكن يعمل إيه؟
- أميرة : كريم متخافيش عليه إيدته تكسرالحجر.. إنتي لسه متعرفيش كريم في زعله.
- سمر : توعديني لو قلتلك سر يفضل بينا؟
- أميرة : عارفه اللي هتقوليه من غير ما تقولي.. وطبعاً مش هقول مش علشانك لا علشان أخويا كريم ميزعلش لما يعرف
- سمر : تفتكري كريم ممكن يعمل إيه لو عرف؟
- أميرة : أوعي تكسري قلب أخويا يا سمر زي ماكسرتي قلبي اللي كان بيحبك وكنت فاكرة إنك أختي بتحبيني وتفرحي لفرحي مكنتش عارفه إنك تبصي للإنسان الوحيد اللي ارتاحته.
- سمر : إنتي قصدك إيه يا أميرة؟ - إنتي فهمتي إيه؟
- أميرة : عشمتي كريم بحبك وبعد كده بصيتي لهشام وحلي في عينيكى وإنتي عارفة إني مرتحاله
- سمر : لا يا أميرة فهمتي غلط..أنا فعلاً بحب كريم وأتمنى أكون أم لابنه
- أميرة : طيب وهشام؟
- سمر : هشام هو سيف أخويا يا أميرة وخايفة عليه من كريم لما يعرف
- أميرة : إنتي بتقولي إيه؟ هشام هو سيف؟ فهميني يا سمر عرفتي إزاي؟
- بثقة وغضب
- بنيره حادة
- بدهشة
- تربت عليها وتقبلها
- بدموع
- بدهشة

## قطع

ل/خ

م/105

### الإسكندرية - شاطئ سموحة

- شاطئ سموحة في وقت متأخر من الليل.
- كريم يجلس علي الشاطئ يرمي بالحصى في البحر
- يحدث نفسه.
- بدموع
- كريم : اللي بدور عليه عشان أنتقم منه طلع مظلوم أكثر مني
- : أقوله إزاي إني خطفت أخته وإزاي هقوله إني عايز أتجوزها
- ولوخذها ومشى.. آدم هيعمل إيه من غيرها؟

## قطع

ل/د

م/106

### الإسكندرية - سموحة - شقة كريم - الصلاة

- فاتن أمام التليفزيون.
- تنتظر فاتن لساعه بالحائط 2ص
- يرن جرس باب الشقة
- تقوم فاتن تفتح الباب
- تأتي أميرة ومعها سمر بسرعة من الداخل.
- تفتح فاتن الباب يظهر سيف بالباب يحمل حقيبته
- سمر تترقب وأميرة.
- بأسف
- سيف : أنا أسف إني جيت في وقت متأخر بس غصب عني
- فاتن : لا أبدا يا ابني انفضل
- أميرة : خير يا أستاذ هشام؟
- سمر : في حاجة؟
- سيف : والدي اتوفي ولازم ارجع مصر حالا انفضلي المفتاح
- سمر : مات؟ الله يرحمه
- سمر تبكي وتدخل إلي الداخل تجرى

البقاء لله يا ابني..شدد حيلك	:	فاتن
- البركه فيك..طيب استتي كريم	:	سيف
أشوف وشكم بخير	:	فاتن
استتي كريم يروح معاك	:	سيف
سلميلي علي كريم يا ماما..مش عايز	:	سيف
أعطله	:	سمر
هترجع اسكندريه ثاني؟	:	سيف
مش عارف	:	أميرة
ممك عنوانك في مصر أو تليفونك؟	:	سيف
تليفوني مع كريم وسلمولي عليه..لا إله	:	سيف
إلا الله	:	قطع

ل/خ

م/107

الإسكندرية- سموحة- أمام منزل كريم

- الوقت متأخر من الليل
- يخرج سيف من بيت كريم
- يمشي سيف ويسرع الخطى
- يقبل كريم بسيارته من الاتجاه الآخر
- ويتوقف كريم بسيارته امام البيت.
- كلوز لشباك في الدور الرابع.

قطع

ل/خ

م/108

الإسكندرية- محطة السوبر جيت

- محسن وعمر يقفان بالقرب من محطة السوبر جيت يحملان اللافتة
  - يقبل سيف ويلاحظه عمر
  - يصيح بفرحة
  - يتفاجأ سيف بفرحة
  - يتعانق الثلاثة
- |                    |   |      |
|--------------------|---|------|
| هشاالم هشاالم      | : | عمر  |
| محسن وعمر الحمدلله | : | سيف  |
| أخويا وصاحبى       | : | محسن |

## قطع

ل/د

م/109

### الإسكندرية - سموحة - شقة كريم

- يدخل كريم من باب الشقة وملامحه تدل علي الحزن والحيرة.

- تقابله فاتن

فاتن : كنت فين دا كله يا كريم؟

كريم : ليه يا ماما في حاجة؟

فاتن : هشام رجع علي مصر

كريم : ليه؟ في حاجة حصلت؟

فاتن : والده اتوفي

كريم : وهو كان شكله إيه لما سمع الخبر دا؟

فاتن : حزين بس متماسك..ولد عاقل

ومحترم..لو أنت هنا كنت هتروح معاه

كريم : أنا لازم أحصله

فاتن : واجب يا ابني..محدث يعزيك

كريم : هغير هدومي وأمشي

فاتن : هتعرف البيت إزاي؟

كريم : عارف العنوان كويس

## قطع

ن/خ

م/110

### حلوان - أمام فيلا زهدي

- بعض الناس تتوقف أمام بوابة الفيلا.

- سيارة تكريم الإنسان أمام البوابة.

- يقبل كريم بسيارته السوداء ويتوقف أمام بوابة الفيلا.

- يخرج كريم من السيارة ويقف مع الواقفين في انتظار.

- يأتي من داخل الفيلا بعض الناس يتقدمهم سيف ومحسن وعمر يحملون النعش

ويضعونه داخل سيارة تكريم الإنسان.

- يقترب كريم من سيف ويربت علي كتفه

- عين كريم تمتلئ بالدموع

كريم : البقاء لله

سيف : لا إله إلا الله.. تعبت نفسك يا كريم.

كريم : مش إحنا اخوات؟

سيف : جمالك كترت عليا أوي يا كريم

- تخرج ناهد من داخل الفيلا ترتدي ملابس

الحداد والي جانبها الحاج حسين

- يخرج فؤاد من الداخل يبكي بحرارة

الحاج حسين : أنا سايبلك مبلغ عايزك تعمل أكل للناس

اللي

فؤاد : حاضر

كريم : هتدفنوه فين يا هشام؟

سيف : المدفن بتاع جدي في السيدة نفيسة

كريم : هات جدك و والدتك وتعالوا اركبوا معايا

سيف : في عربية ميني باص

كريم : خليها للناس اللي موجودين معاك

- يلا تعالى علشان نمشي ورا العربيه

- سيف يمسك بيد كريم ويتجه نحو ناهد

والحاج حسين

سيف : أمي وجدي الحاج حسين اللي رباني

كريم : اتشرفت بيكم وكنت أتمني نتقابل في

ظروف أحسن من دي

الحاج حسين : كله بإذن ربنا يا ابني

سيف : ده كريم اللي حكيتكم عنه

ناهد : ربنا يخليكوا لبعض يا ابني.. سبحان من

له الدوام

سيف : أكيد افتكرت المرحوم والدك.. الله يرحمه

قطع

- تدمع عين كريم ويربت عليه سيف

ن/خ

م/111

القاهرة - الطريق للسيدة نفيسة

- سيارة تكريم الانسان

- سياره كريم

- السيارة الميني باص

- جميع السيارات مسرعة علي الطريق

قطع

## القاهرة - مدافن السيدة نفيسة

- مدافن السيدة نفيسة..مقبرة مفتوحة.
- تتوقف سيارة تكريم الانسان
- تتوقف وراءها سيارة كريم والسيارة الميني باص
- الجميع نزل من السيارات
- الجميع حول النعش
- مراسم الدفن.

الحاج حسين : قرب يا هشام أنت اللي هتدخل أبوك  
قبره

ناهد : ربنا يقويك يا هشام  
سيف : الله يرحمك ويسامحك يا بابا

- كريم يربت علي كتف سيف
- يقع الموبايل من جيب كريم دون أن يشعر ولم يلاحظه احد.
- الجميع وراء النعش.
- محسن وعمر وكريم إلى جانب سيف

## قطع

## الإسكندرية - سموحة - شقة كريم

- سمر تحمل آدم وتجلس شاردة الذهن.
- أميرة تنتظر لسمر

فاتن : بقولك إيه يا سمر  
أميرة : سمر مش معانا خالص يا ماما  
فاتن : عارفه هي سرحانه في إيه؟..ربنا يرجعك  
بالسلامه ياكريم  
سمر : كريم جه؟  
فاتن : هو كريم متصلش من ساعه ما راح  
مصر؟  
أميرة : لا يا ماما..بحاول اتصل عليه تليفونه  
مقفول  
سمر : حاولي تاني يا أمير  
بقلق

- فاتن تمسك بالموبايل تحاول الاتصال
- فاتن : برضه مقفول
- بخوف وقلق
- سمر : لا يا أميرة أنا خايفة..خايفة بجد
- أميرة : تفتكري يا سمر ممكن يكون...
- تقاطعهم
- فاتن : ممكن إيه يا بنات؟..أنتوا مخبيين عليا حاجة؟
- سمر : بصراحة يا ماما أنا خايفة علي هشام وكريم من بعض أحسن.....
- بانفعال
- فاتن : أحسن إيه؟..فهموني إيه الحكايه؟
- أميرة : أنا هقولك يا ماما علي كل حاجة
- بدموع
- سمر : هشام يبقي أخويا سيف وأكد كريم عرف وحصله علي مصر علشان ينتقم منه مش علشان يعزيه في أبويا اللي مات

### قطع

ن/د

م/114

### شبرا - شقة الحاج حسين - الصلاة

- السفرة عليها اطباق الطعام المختلفة.
- ناهد وسيف محسن وعمر وكريم والحاج حسين الكل حول السفرة يتناولون الطعام
- كريم : تسلم إيدك يا ماما
- ناهد : ربنا يهنيك يا كريم يا ابني..وإن شاء الله نجيلك في الفرح
- سيف : والله يا جدي كريم هو اللي هون عليا المحنه في اسكندريه وهنا
- الحاج حسين : دا ربنا اللي كرمك بكريم..عالم بحالك
- ص . المسنة : و صوت صراخ المسنة
- يأتي من الخارج صوت السيدة المسنة تصرخ
- يبكي كريم
- ويترك السفرة
- كريم : الحمدلله..
- سيف : مالك يا كريم..في إيه؟
- محسن : زعلان من اللي سمعه سكتوا الست اللي تحت ديه.
- عمر : هي تيته ديه اللي منكدة على الشارع كله صدقني يا استاذ كريم هي متصدقش هي شتماننا على طول
- ناهد : سلامتك يا ابني

- الحاج حسين : اكيد افكر والده الله يرحمه  
 كريم : أوعدني يا هشام متزعش مني مهما  
 حصل
- سيف : أنت بتقول إيه يا كريم؟..أنا أزعل منك؟  
 كريم : صدقني يا هشام ممكن الواحد يتصرف  
 غصب عنه ويجرح من غير ما  
 يقصد..أوعدني منتفرش مهما حصل
- ناهد : اللي زيك يا ابني ميجرش أبدا  
 الحاج حسين : رينا يخليكوا لبعض با ابن  
 الأصول..أنت أكيد جواك حاجه مش  
 عارف تطلعها..المهم نرجع حلوان  
 دلوقتي علشان العزا..
- ناهد : عندك حق يا بابا..النهارة لسه تاني  
 يوم والمفروض نفرش ثلاث أيام  
 كريم : وأنا معاكم يا هشام الثلاث أيام  
 سيف : كدة كتير عليا يا كريم..أنت فعلا أخويا  
 اللي رينا رزقني بيه أنت ومحسن وعمر
- محسن : أنا لو شوفت اللي عمل فيك كدة ياهشام  
 بتوعد - يا صاحبي هشقه نصين .. ولا إية ياستاذ  
 كريم؟
- عمر : المهم إننا ما بنتعلمش .. شوفت لما  
 روحنا الصعيد والراجل قالك عبد الحفيظ  
 مين؟  
 محسن : صحيح ياهشام كنت تسأل سليم مين؟  
 عمر : وبعدين صاحبك وأخونا الأستاذ كريم  
 اسكندراني جدع كنت اساله.
- سيف : الحمد لله اللي حصل حصل ورينا يستر  
 في اللي جاي.

قطع

## الإسكندرية - سموحة - شقة كريم - الصالة

- بصبر نافذ
- فاتن** : انا مش هسكت أكثر من كده..النهارده  
تالت يوم و مش عارفة ابني جراه إيه؟
- أميرة** : خلاص يا ماما إحنا نروحله..نتصل بأوبر  
توصلنا لمصر وهناك نعرف إيه اللي  
حصل وسمر معانا هتوصلنا للبيت.
- سمر** : بس هشام مش عايش في البيت اللي  
كان فيه المرحوم بابا
- فاتن** : يعني مش هعرف أوصل لابني..خلاص  
نقعد مكتفين إيدينا
- سمر** : ممكن نروح بيت بابا وهناك نسأل عن  
سيف
- أميرة** : هو أكيد هناك أنتوا ناسيين إن في عزا  
ولازم يكون موجود
- فاتن** : كده صح - اتصلي بسرعه بعريية  
توصلنا مصر
- أميرة** : نلبس ونجهز الشنط الأول علشان لما  
العرييه تيجي نقي جاهزين.
- فاتن** : أهم حاجة غيارات و حاجة آدم
- سمر** : متخافيش يا ماما .. حالا أجهز حاجة  
آدم

## قطع

## الطريق السريع الإسكندرية- القاهرة

- سيارة على الطريق تظهر فاتن فى المقعد  
الأمامى
- سمر تحمل آدم تجلس فى المقعد الخلفى  
والى جانبها أميرة
- تتطلق السيارة مسرعة على الطريق
- حقائب السفر فوق شبكة السيارة

## قطع

117/م

غ/خ

حلوان - فيلا زهدى - الحديقة

- الحديقة
- كريم و سيف ومحسن وعمر و فؤاد
- يمسكون بالكراسى ويضعونها فى صفوف
- الحاج حسين يجلس على أحد المقاعد ويتابعهم
- تأتى ناهد من الداخل
- تتادى
- يا هشام.. يا محسن .. يا عمر .. يا كريم .. هاتوا بابا و فؤاد وبلا علشان تتغدوا قبل الناس ما تيجى
- ناهد : يا هشام.. يا محسن .. يا عمر .. يا كريم
- كريم : نخلص من رص الكراسى الأول يا ماما
- الحاج حسين : يلا يا فؤاد .. يلا يا ولاد الوقت اتأخر
- فؤاد : انا هرص الكراسى مش هقدر أكل تانى
- ناهد : يلا يا فؤاد
- فؤاد : مش هقدر يا ست ناهد .. لسه واكل و علشان لو حد جه أبقى معاه لحد ما تخلصوا أكل

- الجميع يدخلون ويبقى فؤاد بالحديقة

قطع

118/م

ل/د

فيلا زهدى - الهول - غرفة الطعام

- كريم و سيف ومحسن وعمر وناهد والحاج حسين
- الجميع حول طاولة الطعام

قطع

119/م

غ/خ

حلوان - فيلا زهدى

- تظهر الحديقة من البوابة
- يظهر فؤاد يمسك بالمقاعد
- تقبل السيارة التى تحمل فاتن و أميرة وسمر
- تتوقف السيارة أمام بوابة الفيلا
- يخرج فؤاد من البوابة
- تنزل سمر من السيارة و معها فاتن و أميرة

- بفرحة : فؤاد : الست سمر .. الحمد لله على سلامتكم  
 : سمر : الله يسلمك يا عم فؤاد دخل الشنط دى  
 جوه  
 : فؤاد : حاضر  
 : فاتن : أسأليه عن هشام  
 : سمر : سيف موجود يا عم فؤاد ؟  
 : فؤاد : موجود و هيفرح أوى لما يشوفك  
 اتفضلوا.. اتفضلوا

- فاتن وسمر تحمل آدم وأميرة يتجهون نحو  
 داخل البوابة و يستقبلهم فؤاد يحمل  
 الحقائب

## قطع

ل/د

م/120

### فيلا زهدى - الهول - غرفة الطعام

- الحاج حسين - ناهد - كريم - سيف -  
 عمر - محسن  
 - الجميع يلتفون حول طاولة الطعام  
 - يدخل فؤاد و ملامحه تدل على الفرحة  
 ويحمل الحقائب  
 - مهلاً بفرحة  
 - يقوم سيف بسرعة  
 - يتفاجأ سيف وبيكى كريم  
 - تدخل سمر ومعها فاتن وأميرة  
 - يتذكر  
 : ناهد : مالك يا فؤاد ؟ وشنط مين دى ؟  
 : فؤاد : الست سمر جت يا ست ناهد  
 : سيف : هى فين يا عم فؤاد ؟  
 : فؤاد : جايه أهى و معاها ضيوف  
 : سيف : مين ؟  
 : سمر : أقولك يا هشام ولا يا سيف ؟  
 : سيف : صاحبة الصورة وأنا أقول إحنا اتقابلنا  
 قبل كده فين ؟ .. قدام عينى وبدور  
 عليكى  
 : فاتن : الحمد لله إنهم بخير  
 : ناهد : مين؟ .. فاتن هانم  
 : فاتن : قعدينى الأول.. الحمد لله إنهم بخير يا  
 ناهد هانم  
 - تقوم ناهد وتشبه على فاتن  
 - تضحك ناهد وتمسك بفاتن  
 : أنتوا تعرفوا بعض؟ : الحاج حسين

- ناهد : دى عشرة قديمة يا بابا
- كريم : أنت وعدتتى مش هنفترق ومش هتزعل  
منى مهما حصل
- سمر : أنا أختك سمر اللي ظلمتك فكرتك مش  
هتسأل عنى واتفاجئت إنك بتسأل عليا  
يا أطيب أخ فى الدنيا
- اميرة : والله يا استاذ هشام سمر محدش...  
سيف : أنا فهمت كل حاجة
- ناهد : مش قولتلك إن ابن سليم محترم ومش  
ممكن يأذى أختك
- كريم : أنا أسف يا هشام  
محسن : يعنى أنت اللي عملت فى أخويا  
وصاحبى كل ده..؟
- سيف : أنت أخويا يا كريم..إحنا الاتنين اتظلمنا  
واللى ظلمنا الله يرحمه محدش حاجة  
معاه
- الحاج حسين : ادعوله ربنا يسامحه ويرحمه  
عمر : المسامح كريم
- كريم : يعنى هتوافق إنى أتجوز أختك يا هشام؟  
سيف : بس بشرط
- كريم : خير..شرط إيه؟  
سيف : توافق إنى أتجوز أختك أميرة  
(أصوات الزغاريد)
- بمكر -  
فاتن وناهد يترقبون بقلق -  
-  
ناهد وفاتن تزغردن -

### قطع

ل/خ

م/121

- حلوان - فيلا زهدي - الحديقة (فرح سيف وأميرة- كريم وسمر)  
- (أصوات أغاني الفرحة)
- الجميع ملامحهم علي الفرحة ويتراقصون  
- أهل سيف وأهل كريم  
- أهل شبرا وأهل إسكندري'

النهاية

وفاء الطيب